

Rome got'ù gıts'ò aatl'è

¹ Sı Paul aht'e, Zezi-Krı wegħa eghàlaehda. Wecheekeèdeè ehı għa eyıts'ò Nòhtsı wegodiı nezıı dọ ts'ò haehsı għa Nòhtsı sııhchì họt'e. ² İdi whaà ekò Nòhtsı Nıhtl'è k'e nakwenàozqọ nadađa gogııde t'à Nòhtsı sıı godı nezıı dọ ts'ò ade ha hadı jlè. ³⁻⁴ Eyı godı nezıı sıı Nòhtsı Weza wegħo họt'e. Ededı sıı dıı nèk'e k'àowochò Davıd wets'ıhıhıdò-dò họt'e, hanıkò ełajwo gots'ò naıdà t'à İni Degai wedahxà Nòhtsı Weza họt'e wek'èts'eezqọ agòđlà. Eyı sıı Zezi-Krı gots'ò K'àowo họt'e. ⁵ Gots'ò K'àowo sets'ò sqııwq t'à wecheekeèdeè ehı ha sııhchì. Eyıt'à wedahxà dıı nèk'e hazqò ts'ò dọ eyıı-le xàzaa Nòhtsı gıgha ehkw'ı-ahodı xè gık'èıt'e ha gıkayahtı ha họt'e. ⁶ Dọ Zezi-Krı xè agııt'e għa gıkayaetıı sıı naxı sı gıta dahkw'e họt'e.

⁷ Naxı kògodeè Rome nàahdèè sıı naxıts'ò eehtl'è aht'ı. Nòhtsı naxıghoneètq eyıts'ò wets'ò dọ degai aahı għa naxıkayaetı họt'e. Nòhtsı-Gotà eyıts'ò Zezi-Krı naxıxè sqııwq welè, eyıts'ò naxıxè sıghà hòzq agııle.

Paul kògodeè Rome naetla ha nıwq

⁸ T'akwelòđ dıı haehsı ha dehwhq: dıı nèk'e dọ hazqò ts'ò dọ naxıgha ehkw'ı-ahodı ghq gogede t'à Zezi-Krı wedahxà naxıgha Senòhtsı ması weehwhq họt'e. ⁹ T'aats'qđ naxıgha yahtı Nòhtsı yek'èezq họt'e. Sedzeè t'à Nòhtsı wegħa hòtl'ò eghàlaehda, eyıts'ò Weza wegodiı nezıı t'à dọ

hoghàgeehtò. ¹⁰ Naxıts'ò ahde gha sù k'òt'a Nòhtsı segha hòzòò ayele ha, eyı gha yahtı.

¹¹ Sù naxeehzı ha dehwhò dıı. Naxıts'ò nèehtla-ıdè, Yedàyeh Nezzı wets'ò t'ası naxıghàehzà ha, eyı wet'à nàahsoò aahde ha. ¹² Hanı-ıdè elèht'eè gogha ehkw'ı-ahodı t'à ehni nàtsoò ats'ele ha họt'e. ¹³ Sèot'ıı, goıtlòò naxıts'ò kòtaèhtla ha dehwhò ıle, hanıkò dıı ts'ò segha wek'èè hòzà-le wek'èahsò ha dehwhò. Dò Israel got'ıı agıtt'e-le sù gıta dànı eghàlaıdà lanı naxıta eghàlaehda ha dehwhò, hanı-ıdè Zezı gha naxını nàtsoò anaxehle ha.

¹⁴ Greece got'ıı agıtt'e eyıts'ò Greece got'ıı agıtt'e-le sù ılah gıts'àhtla ha họt'e. Dò Nòhtsı k'ègeezò-le eyıts'ò dò Nòhtsı k'ègeezòò ehk'èè hoghàgeehtò ha họt'e. ¹⁵ Eyı ts'ıhzò naxı kòta Rome nàahdèe sù sù naxıts'àhtla ha dehwhò, Nòhtsı wegodı nezı t'à naxıts'ò gohde ha dehwhò.

¹⁶ Eyı godı nezı sù weghò ıızhaehı nıle, Nòhtsı wenàowò nàtso họt'e. Wet'à dò hazòò gıgha ehkw'ı-ahodı sù edaxàgole ha họt'e. Eyı godı nezı sù Israel got'ıı t'akwełòò gıts'ò ajà, eyıts'ò dò eyıle xàzaa ededı sı gıts'ò ajà họt'e. ¹⁷ Eyı godı nezı wet'à dànı Nòhtsı ehkw'ı agohzıı sù wek'èts'eezòò ats'et'ı họt'e. Dò Nòhtsı gıgha ehkw'ı-ahodı zò t'à ehkw'ı aget'ı họt'e. Dıı hanı dek'eèhtl'è t'à: “Dò ehkw'ı agııdlàa sù gıgha ehkw'ı-ahodı t'à welò while ts'ò geeda ha họt'e,” dek'eèhtl'è.

Nòhtsı dı nèk'e dò ts'ò wek'èch'a

¹⁸ Nòhtsı, amıı yek'èch'a eghàlaedaa sù yesınıyaehı ha yak'e gots'ò wek'èedzòò ayıılà họt'e. Dò hoıı hogehtsı ts'ıhzò Nòhtsı wek'èch'a t'à, hoıı k'èxa nàgoehkwa ha. Dò gınaowohı t'à nàowo

ehkw'u k'èch'a eghàlageeda. ¹⁹ Nòhtsɿ wegho ayi k'èhots'eezɔ ha sɿ nàhoti-le gɿniedi ha dii-le hɔt'e, Nòhtsɿ nàhoti-le gɿniedi ha agòòlà ne t'à. ²⁰ Nòhtsɿ dɔ ts'ò wègaat'i-le kò, t'asɿ wegħa dii-le elɿ eyits'ò Nòhtsɿ elɿ sɿ dɿ nè hòèlɿ gots'ò dɔ gɿniedi hɔt'e. T'asɿ hazòò whehtsɿ gɿghàeda weghàà welo while ts'ò t'asɿ wegħa dii-le elɿ sɿ degħàà gɿniedi hɔt'e. Eyit'à “Wek'èts'eezɔ nùle,” gedi ha dii.

²¹ Nòhtsɿ k'èhogeézɔ kò gɿghàsɔedi-le eyits'ò masɿ gɿhwhɔ-le. Gogɿzɔ-le k'èè nàngedè agejà, eyits'ò gidzèè yɿ togoòt'i'òo lagòht'e. ²² Gots'ɿzɔ edegeewo kò gogɿzɔ-le agejà. ²³ Nòhtsɿ welo while ts'ò enɿyah deè elɿ sɿ ts'ò yagehtɿ-le agejà. Ededɿ t'asɿ gèhtsɿ sɿ ts'ò yagehtɿ agejà. Dɔ k'èè wègaat'i lanɿ, yat'a k'edèè lanɿ, gòochɔ lanɿ, eyits'ò tɿts'aadɿ hòèlɿ lanɿ ts'ò yagehtɿ agejà.

²⁴ Eyit'à Nòhtsɿ sɿ goghàèhdɿ, whatsoò edɿnɿ k'èè geeda ts'ò geèlɿ agòòlà. Eyit'à hoɿ k'èè ełek'alagedè t'à edezhɿ tsɿgehwhɿ. ²⁵ Nòhtsɿ wenàowoò ehkw'u sɿ nàowoɿ xè ehdagɿwa, t'asɿ hòèlɿ ts'ò yagehtɿ xè gɿgha eghàlaeda. Nòhtsɿ ts'ò yagehtɿ-le xè gɿgha eghàlaeda-le. Hanikò Nòhtsɿ sɿ welo while ts'ò weghàsɔedi ha hɔt'e. Amen.

²⁶ Haget'i ts'ɿhɔò Nòhtsɿ goghàèhdɿ, nàowoɿ k'èè ełeghageewɿ ts'ò geèlɿ agòòlà. Ts'èko kò ededòò xè aget'i-le agejà, ts'èko et'ɿ ełexè hoɿ hogehtsɿ. ²⁷ Eyɿ xèht'eè dɔzhɿ edets'èkeè xè aget'i-le agejà, dɔzhɿ et'ɿ ełexè hoɿ hogehtsɿ. Dɔzhɿ hanɿ ełexè hoɿ hogehtsɿ k'èxa dɿ dagɿza hɔt'e.

²⁸ Eyits'ò Nòhtsɿ wek'èts'eezɔò xè wek'èats'ɿt'ee sɿ gɿgha wet'aaàà-le t'à, Nòhtsɿ sɿ gɿnàowoɿ k'èè geeda ts'ò geèlɿ agòòlà, eyits'ò t'asɿ dɔ għa

wets'àet'òò sù gıghàlaeda t'à goghàèhdı. ²⁹ T'asù hazòò wejıı zò gııwòò agejà. Sù egedı-le agejà eyıts'ò sù gıııı. Sù ts'ohogeedi, ełààlegede, ełets'ò nàyagehtı, ełeghoyageezà, eyıts'ò hoıı k'èè k'ehogeza. Ełeghò nezıı gogede-le, ³⁰ ehızi jı gehtsı, Nòhtsı dzagııhwhò, ełek'adagedè, xàhogedı xè edeghò xàdahogedı; hoıı hogehtsı gha nàowo ładıı gehtsı; edemò eyıts'ò edetà k'èagııt'e-le; ³¹ gogıızò-le, edeyatıı k'ègedı-le, dò ts'ò gıdzèè gòhı-le, eyıts'ò sù gııàhòht'è. ³² Nòhtsı wenàowoò ehkw'ıı k'èè ha nıdè dò hanı geedaa sù ełààgıde ha hòt'e. Eyı nàowo k'ègeezò kò ııàà hanı eghàlageeda, eyıts'ò dò hanı hoıı hogehtsıı sù ghò sıghà agedı.

2

Nòhtsı ehkw'ı dò sıııyaehtı

¹ Eyıt'à, wek'èts'eezò-le, dahı ha dıı hòt'e. Dàı dò eyıı-le gııııyaehtıı sù eyı weghàà edesıııyaehtı hòt'e, naxı dò eyıı-le gııııyaehtıı sù hotıı gıxèht'èè eghàlaahda hòt'e t'à. ² Dò hanı hoıı hogehtsıı sù Nòhtsı gosıııyaehtı hòt'e, nàowo ehkw'ıı zò k'èè gosıııyaehtı ha wek'èts'eezò hòt'e. ³ Naxı ekı dò aah't'ee sù dò eyıı-le gıxèht'èè hoıı hoah'tsı kò gııııyaehtı nıdè Nòhtsı naxııııyaehtı ha-le dah-whò nı? ⁴ Nòhtsı naxıts'ò wedzèè nezıı, eyıts'ò naxıxè ts'èwhıı nıwòò sù naxıgha wet'aaazà-le nı? Nòhtsı hanı naxıts'ò wedzèè nezıı sù wek'èahsò-le nı? Edek'eahı ha naxııhwhò t'à naxıts'ò wedzèè nezı hòt'e.

⁵ Hanıkò naxıkwı nàtso xè naxıdzèè t'à edek'eahı-le t'à, Nòhtsı naxıts'ò wek'èch'a

aahlà họt'e. Nòhtsɿ edenàowoò ehkw'uɿ k'èè dọ-sɿnɿyaehtɿ-dzèè k'e nɿdè, deʒòò hoıla anaxedle ha họt'e. ⁶ Nòhtsɿ sɿ “dọ hazòò dànì eghàlagɿdà k'èè gosɿnɿyaehtɿ ha họt'e,” dek'eèhtl'è. ⁷ Dọ t'aats'òò Nòhtsɿ gha nezɿ k'ehogeʒaa sɿ gɿxè enɿyah hòʒò ha, Nòhtsɿ goghò sìghà anɿwò ha, eyɿts'ò welò while ts'ò geeda gha agèt'ɿ họt'e. Hanɿ dọ sɿ Nòhtsɿ welò while ts'ò geedaà agole ha họt'e. ⁸ Hanìkò dọ edeghò zò nàɿgedèè sɿ, nàowo ehkw'uɿ gɿgha wedè xè nàowoɿ k'èè geedaa sɿ Nòhtsɿ gots'ò sɿ wek'èch'a xè dagɿʒaa agole ha. ⁹ Dọ hazòò hoɿ hogehtsɿ sɿ gɿgha hoıla xè hòtl'ò dagɿʒa ha họt'e. Israel got'ɿ hoɿ hoehtsɿ sɿ dagɿʒa ha, eyɿts'ò dọ eyɿ-le xàʒaa sɿ hoɿ hogehtsɿ k'èxa dagɿʒa ha họt'e. ¹⁰ Hanìkò dọ hazòò nezɿ kexogeʒaa sɿ Nòhtsɿ goghò sìghà anɿwò ha, gɿxè enɿyah hòʒò agole ha, eyɿts'ò gɿxè ts'èwhɿ hòʒò ayele ha. Israel got'ɿ nezɿ kexogeʒaa sɿ gɿgha hanì ha eyɿts'ò dọ eyɿ-le xàʒaa, nezɿ k'ehogeʒaa sɿ eyɿ sɿ gɿxè hanì hòʒò ha. ¹¹ Nòhtsɿ sɿ dọ ɿè xàʒaa zò ts'ò nezɿ anɿwò nɿle.

¹² Dọ eyɿ-le xàʒaa sɿ Moses wenàowoò gɿghòt'ò-le kò hoɿ hogèhtsɿ k'èxa gɿdihòè ha. Eyɿts'ò Israel got'ɿ Moses wenàowoò k'ègeezòò sɿ eyɿ nàowo ghàà gɿsɿnɿyaetɿ ha họt'e. ¹³ Dọ eyɿ nàowo egeèhk'w'ò zò t'à, Nòhtsɿ nadaà ehkw'uɿ agɿt'e nɿle, hanìkò eyɿ nàowo k'èagɿt'e zò nɿdè ehkw'uɿ agɿt'e k'èè Nòhtsɿ gosɿnɿyaehtɿ ha họt'e. ¹⁴ (Ehkw'ɿ t'à, dọ eyɿ-le xàʒaa sɿ Moses wenàowoò gɿghòt'ò-le kò ededɿ whatsapp edɿnì dahxà nàowodeè k'èè ehkw'ɿ k'ehogeʒa họt'e. Nàowodeè gɿts'ò-le kò edɿnì t'à edegha nàowo gɿɿ. ¹⁵ Dànì nàowo k'èè geeda ha sɿ gɿdzeè yɿ wheʒò họt'e. Eyɿt'à xàè gɿdzeè et'ɿ t'à nàɿgedè eyɿts'ò

edek'e nìdahogeezà họt'e, ekọ-le eghàlagùdà nùdè eyits'ọ ehkw'ı eghàlagùdà nùdè ededzeè yì gık'èezọ họt'e.) ¹⁶ Eyit'à Nòhtsı dọ-sìnìyaehtı-dzeè k'e nùdè dọ ayì nàgeehzì eyits'ọ ededzeè t'à dàgùwọọ sù Nòhtsı, Zezì-Krı wet'òò gosìnìyaehtı ha họt'e. Dıı godı nezı t'à gohdee sù hotı wek'èè agode ha họt'e.

Israel got'ı eyits'ọ Moses wenàowoò

¹⁷ Ekò naxı Israel got'ı ats'ıt'e dahdı xè Moses wenàowoò k'èè aahda t'à naxıgha t'asagòht'e-le dahwhọ nì? Nòhtsı wets'ọ dọ aah't'e dahwhọ t'à xàdahoahdı ha nì? ¹⁸ Moses wenàowoò t'à hoghànaxeehtọ ìlè t'à, Nòhtsı ayì nıwọ eyits'ọ ayì nezı sù wek'èahsọ dahwhọ nì? ¹⁹ Dọ gıdaà goilee sù k'egıahzı aah't'e dahwhọ eyits'ọ dọ gıxè togoòt'òo sù gıgha ek'aèk'ọ laah't'e dahwhọ nì? ²⁰ Moses wenàowoò ehkw'ıı hotı wek'èts'eezọ t'à, dọ t'ası k'ègeezọ-le sù nezı hoghàgıts'eehtọ dahwhọ nì? ²¹ Ekò naxı dọ eyı-le hoghàgıahtọ nùdè dònıghọ hoghàdeah'te-le? Ets'eezı k'èch'a goahde nùdè dànıt'à naxı èhı aahzı? ²² Dọ elexè hoı hogeh'tsı ha-le dahdı nùdè dònıghọ naxı èhı haah't'ı? Nòhtsıà hòèı nıahı-le nùdè, dònıghọ gıts'ọ yahtı-kò gots'ọ aahzı? ²³ Naxı Moses wenàowoò k'èahsọ ghọ xàdahoahdı nùdè dònıghọ eyı nàowo k'èahdı-le? Nàowo k'èahdı-le ts'ıh'ò Nòhtsı k'èch'a aah't'ı họt'e. ²⁴ Nòhtsı Nıht'è k'e dıı hanı dek'eèht'è: “Naxıts'ıh'ò dọ eyı-le xà?aa Nòhtsı wızı tsıgehwhı họt'e,” dek'eèht'è.

²⁵ Naxı Israel got'ı yàahı sù Moses wenàowoò k'èè naxıkwò nàt'à họt'e, hanıko Moses wenàowoò

k'èaht'e-le nɪdè naxɪkwò nàt'aa sɪ naxɪgha wet'aaazà-le at'ì hɔt'e. Naxɪkwò nàt'aa-le dɔ̀dò laaht'e lanì. ²⁶ Dɔ̀ Moses wenàowoò k'èè gɪkwò nàt'aa-le kò eyɪ nàowo k'èagɪt'e nɪdè gɪkwò nàt'aa k'èè gɪtà ha hɔt'e. ²⁷ Dɔ̀ wekwò nàt'aa-le kò Moses wenàowoò k'èt'ee sɪ naxɪ Israel got'ɪ̀ yàahɪ sɪ naxɪsɪnɪyagehtɪ ha hɔt'e. Moses wenàowoò naxɪgha enɪht'è k'e dek'eèht'è eyɪts'ɔ̀ naxɪkwò nàat'a kò ɪ̀aa Moses wenàowoò k'èaht'e nɪle, eyɪt'aa nàowo-nàahzhɪ-dɔ̀dò aah't'e.

²⁸ Dɔ̀ Moses wenàowoò k'èè wekwò nàt'aa zɔ̀ t'aa Israel got'ɪ̀ wedeèdlɪ elɪ nɪle, eyɪts'ɔ̀ hanì gokwò nàt'aa nɪdè gozhɪ zɔ̀ gha nɪle. ²⁹ Hanì nɪle! Dɔ̀ wedzeè t'aa Israel got'ɪ̀ wedeèdlɪ elɪ nɪdè, eyɪts'ɔ̀ Yedàyeh Nezɪ t'aa dɔ̀ wedzeè k'e nàweet'aa lanì nɪdè, ehkw'ɪ nàweat'a hɔt'e. Nàowo dek'eèht'è k'èè nàweat'a zɔ̀ t'aa Israel got'ɪ̀ wedeèdlɪ elɪ nɪle. Dɔ̀ Yedàyeh Nezɪ t'aa wedzeè nàt'aa nɪdè Nòhtsɪ yeghɔ̀ sɪghà adɪ ha hɔt'e, eyɪ sɪ dɔ̀ yeghɔ̀ sɪghà adɪ nahk'e nezɪ hɔt'e.

3

Nòhtsɪ edeyatɪ k'èdì hɔt'e

¹ Eyɪt'aa Israel got'ɪ̀ gɪlɪ sɪ ayɪha eyɪ gɪgha wet'aaazà hɔt'e? Eyɪts'ɔ̀ gɪkwò nàt'aa sɪ ayɪha eyɪ gɪgha wet'aaazà hɔt'e? ² Eyɪ gɪgha sɪ wet'aaazà hɔt'e! Nòhtsɪ weyatɪ wedeèdlɪ k'ègedɪ ha gɪghɔt'ɔ̀ sɪ deɪdò gɪgha wet'aaazà hɔt'e.

³ Èkò Israel got'ɪ̀ mòhdaa gɪgha ehkw'ɪ-ahodɪ-le ts'ɪhɪzò Nòhtsɪ ayɪ dàyele ha gòhdɪ sɪ edeyatɪ k'èdì ha-le nì? ⁴ ɪ̀le, hanì ha honàedɪ nɪle! Dɔ̀ hazò hogets'ɪ̀ nò kò Nòhtsɪ sɪ t'aats'ɔ̀dò ehkw'ɪ gode hɔt'e. Dɪ hanì dek'eèht'è,

“Goide n̄dè, ehkw'ı z̄o x̄ayıhtı d̄o haz̄ođ yek'èez̄o ha, eyıts'̄o t'ası̄ wesın̄ıyanehtı n̄dè t'aats'̄ođ neyatı̄ k'èè agot'ı h̄ot'e,” dek'eèht'è.

⁵ Ehkw'ı-le eghàlats'eeda n̄dè N̄htsı̄ wexè ehkw'ı hòz̄ođ s̄ı d̄o ts'̄o dez̄ođ nezı̄ wègoèht'ı h̄ot'e. Eyı gh̄o dàts'edi welı̄? N̄htsı̄ nàgoehkwa n̄dè gots'̄o ehkw'ı-le eghàlaeda at'ı dahwh̄o nı̄? (Hanı̄ daz̄eehke n̄dè d̄o ḡođz̄o-le laehsı̄.) ⁶ Hanı̄ honàedi nı̄le! N̄htsı̄ ehkw'ı-le eghàlaeda at'ı n̄dè, dànı̄ N̄htsı̄ d̄o haz̄ođ gosın̄ıyaehı̄ welı̄? ⁷ D̄o dı̄ hadı̄ ha s̄onı̄, “Hoı̄ı̄ nàowođ k'èè ehda ts'ıh̄z̄o N̄htsı̄ ehkw'ı godee s̄ı dez̄ođ d̄o gı̄k'èez̄o n̄dè, d̄o dez̄ođ gı̄ghàs̄oedi ha. Hanı̄ hòz̄o n̄dè, dànı̄gh̄o ı̄hàà hoı̄ı̄-hohtsı̄-d̄ođ k'èè sesın̄ıyaetī ha?” hadı̄ ha s̄onı̄. ⁸ D̄o ts'̄o dı̄ hagedı̄ ha lanı̄, “Nàowoı̄ı̄ k'èè ts'ıdà, hanı̄-ıdè wet'à t'ası̄ nezı̄ hagode ha,” gedı̄ ha lanı̄. D̄o m̄ohdaa hogets'ı̄ t'à hats'edi ḡogedi, hanı̄kò amı̄ hanı̄ d̄o hoghàeht̄ođ s̄ı wek'èxa hoıla agedle ha edegha geèhn̄o h̄ot'e.

D̄o ehkw'ı edaa ḡohı̄-le

⁹ Eyı̄t'à edegh̄o dàts'edi welı̄? D̄o eyı̄-le x̄àzaa s̄ı gı̄nahk'e ts'ı̄ı̄ nı̄? Hanı̄ honàedi nı̄le! Israel got'ı̄ı̄ eyıts'̄o d̄o eyı̄-le x̄àzaa haz̄ođ ełèht'eè hoı̄ı̄ gı̄k'e whela, hòt'a hats'edi ı̄lè. ¹⁰ N̄htsı̄ N̄ht'è k'e dı̄ hanı̄ dek'eèht'è,

“D̄o wı̄zı̄ ehkw'ı edaa ḡohı̄ nı̄le, d̄o hanu ı̄lè kò ḡohı̄ nı̄le. ¹¹ D̄o wı̄zı̄ N̄htsı̄ wenàowođ nı̄edi ḡohı̄-le, eyıts'̄o d̄o wı̄zı̄ N̄htsı̄ k'èhoez̄o ha nı̄wo-le. ¹² D̄o haz̄ođ N̄htsı̄ ts'̄ođ agejà, d̄o haz̄ođ nàowo wet'aažà-le k'èè geedaà agejà. D̄o ı̄lè kò ehkw'ı eghàlaedaa ḡohı̄-le, d̄o hanu gots'ıh̄z̄à ha dı̄ı̄.”

13 “Yati ju lɔ giwà ts'ɔ xàewì, eyits'ɔ t'aats'ɔò dɔ ghoyageeʔà.” “Gòochò nàèdihì lagüt'e, yati t'à dɔ elààgehde ha giwɔ.”

14 “Nàdahogeeʔà eyits'ɔ t'aats'ɔò yatiju t'à dɔ k'eèyageeti.”

15 “Dɔ hagedu sù dɔ elààgehde gha nàgeghò,
16 t'aats'ɔò t'asù wedihogehstì xè hoilà hogehstì,
17 eyits'ɔ dànì dɔ elèxè ts'èwhù geedaa sù gik'èezɔ-
le.”

18 “Nòhtsì k'èagüt'e ha giwɔ-le eyits'ɔ gits'ajejì-le,”
dek'eèhtl'è hɔt'e.

19 Moses wenàowoò k'e ayù dek'eèhtl'èe sù dɔ gotl'aà geèhkw'ee sù gìgha dek'eèhtl'è hɔt'e. Hanì-
idè dɔ wùzì “Wek'èehsɔ-le,” gedi ha diì, eyits'ɔ di
nèk'e dɔ hazòò dànì gùdàa k'èè Nòhtsì gosniyaeh̀tì
ha hɔt'e. 20 Dɔ wùzì Moses wenàowoò deg̀hàa
k'èdì ha diì, eyit'à dɔ wùzì ehkw'ì eda k'èè Nòhtsì
yesniyaeh̀tì ha niile. Hanikò Moses wenàowoò
ts'ihzò hòhù hots'ehtsì nòò wek'èts'eezòò ats'ejà.

*Gogha ehkw'ì-ahodu zɔ t'à Nòhtsì wegħa ehkw'ì
ats'üt'e*

21 Hanikò diì sù Moses wenàowoò wedè dànì
Nòhtsì ehkw'ì agohzù sù wek'èts'eezòò agòòlà
hɔt'e. Moses wenìhtl'è eyits'ɔ nakwenàozòò
gình̀tìl'è k'e eyì ghò gogùde ilè. 22 Amì Zezì-Krì
yegħa ehkw'ì adù sù Nòhtsì ehkw'ì ayehzù hɔt'e.
Israel got'ù eyits'ɔ dɔ eyù-le xàʔaa hazòò gìgha
elèht'eè hɔt'e, gìgha nàowo eladù gòhù-le. 23 Dɔ
hazòò hòhù hogèhtsì hɔt'e. Nòhtsì dànì wexè
enilyah xè degai wehòhʔòò sù ts'ɔ nìwà ts'eèhkw'e
hɔt'e, 24 hanikò Nòhtsì wesonwɔ ts'ihzò t'asù
k'èxa-le ehkw'ì agòòlà. Zezì-Krì wet'òò Nòhtsì

edaxàgole. ²⁵ Nòhtsɿ sɿ Zezì gohoḷḷì k'èxa eḷaàwɿ ha goghàyḷhtɿ ḥòt'e. Zezì gohoḷḷì k'èxa wedoò xàìt'f'ɿ gogha ehkw'ɿ-ahodɿ nɿdè gohoḷḷì goghò nahoezhe ha ḥòt'e. Nòhtsɿ hanì eghàlajdàa sɿ weghàà dànì wexè ehkw'ɿ ats'ede ha sɿ wek'èts'eezò gha ayjìlà ḥòt'e. Inèḗ sɿ gots'ò ts'èwhḷì nɿwò ḷè t'à hoḷḷì hots'ehtsɿ k'èxa ekòet'ì nàgoḷhkwa-le ḷè. ²⁶ Dànì wexè ehkw'ɿ ats'ede ha sɿ dḷì wek'èts'eezò ha t'à hanì eghàlajdà ḥòt'e. Eyit'à ehkw'ɿ dḷì hanì dò sɿnɿyaehɿ ha ḥòt'e: amì Zezì yegha ehkw'ɿ adḷì sɿ ehkw'ɿ k'èḗ ayele ha ḥòt'e.

²⁷ Eyit'à dànì edeghò xàdahots'edì weli? Xàdahots'edì ha honàedì nḷìle! Ayì nàowo t'à ehkw'ì ats'ejà ts'edì weli? Moses wenàowoò k'èts'edì t'à ehkw'ɿ goità ts'edì ha nì? Ḳle ne, hanìkò Zezì gogha ehkw'ɿ adì t'à ehkw'ɿ ts'eedaa k'èḗ goità ha ḥòt'e. ²⁸ Dḷì hanì gogha ehkw'ɿ-ahodɿ ḥòt'e: Dò wegha ehkw'ɿ-ahodɿ t'à ehkw'ɿ awìdlà ḥòt'e. Moses wenàowoò k'èḗ eda t'à ehkw'ì ade ha nḷìle. ²⁹ Nòhtsɿ sɿ Israel got'ḷì gogha zò Nòhtsɿ eḷì nì? Asì dò eyì-le xàʔaa, ededɿ sɿ gogha Nòhtsɿ eḷì nì? Hèʔe, Nòhtsɿ ḷè zò gòhḷì ts'ìhʔò, dò eyì-le xàʔaa ededɿ sɿ gogha Nòhtsɿ eḷì ḥòt'e. ³⁰ Israel got'ḷì gɿkwò nàt'àa gḷḷḷì sɿ Zezì gɿgha ehkw'ɿ-ahodɿ t'à ehkw'ì agole ha ḥòt'e, eyits'ò dò eyì-le xàʔaa gɿkwò nàt'à-le sɿ ededɿ sɿ Zezì gɿgha ehkw'ɿ-ahodɿ t'à ehkw'ɿ geedaa k'èḗ agole ha ḥòt'e. ³¹ Eyit'à Zezì gogha ehkw'ɿ-ahodɿ ts'ìhʔò Moses wenàowoò wet'àaʔà-le ade ha nì? Ḳle, hanì ha honàedì nḷìle! Moses wenàowoò ḷàa gogha ehkw'ɿ ḥòt'e eyits'ò dò ts'ò hats'edì ḥòt'e.

Abraham wegħa ehkw'i-ahodi t'à Nòhtsı ehkw'i edaa k'èè yuhta

¹ Eyit'à hanì hòzò nıdè gocho Abraham wegħo dàts'edi lì? Nòhtsı k'èè dọ ehkw'i ts'ıllı sı ghò ayı k'èhoèhzà? ² Abraham nezı eghàlaıdà k'èxa ehkw'i awııdlà nıdè yegħo xadahodı ha dı-le ıle. Hanıkò Nòhtsı nadağà edegħo xadahodı ha dı. ³ Nòhtsı Nıhtı'è k'e dı hanì dek'eèhtı'è: “Abraham Nòhtsı yegħa ehkw'i adı ts'ıhıò, ehkw'i edaa k'èè wıta ayıla,” dek'eèhtı'è.

⁴ Dọ eghàlaeda nıdè wek'èxa wets'àzeedi họt'e. Eghàlaeda k'èxa sọmba wegħozħaa sı ekı wegħozħa nıle, hanıkò eyı sọmba k'èxa eghàlaıda t'à wegħozħa họt'e. ⁵ Hanıkò Nòhtsı gogħa ehkw'i adı nıdè gogħa hanì nıle. Dọ weıı sı Nòhtsı ehkw'i ayehı wegħa ehkw'i-ahodi nıdè, ehkw'i edaa k'èè wıta ha. Nezı eghàlats'eeda k'èxa ehkw'i ts'eeda k'èè goıtà edèts'edi ha dı. ⁶ K'àowochı Davıd eyı xèht'eè xayıhtı ıle. Dọ yek'èxa eghàlaıdale kò, Nòhtsı ehkw'i edaa k'èè yuhta sı wexè sıghà họt'e hadı ıle. Davıd dı hanì enıhtı'è ıle:

⁷ “Nòhtsı dọ wehoıı yegħo nahoelee sı wexè sıghà họt'e, hoıı hòèhtsı sı Nòhtsı yenadı ha nıle.

⁸ Eyıts'ọ Nòhtsı dọ wehoıı k'èxa yesınyaehtı-le sı wexè sıghà họt'e,” dek'eèhtı'è.

⁹ K'àowochı Davıd amı ghò eetı'è-adı? Dọ gıkwò nàt'aa gıllı sı ededı zọ gıxè sıghà ha nı? Hanıle-ıdè dọ gıkwò nàt'à-le sı ededı sı gıxè sıghà hòzò ha nı? Abraham wegħo dı hats'edi ıle, Nòhtsı yegħa ehkw'i adı t'à Nòhtsı ehkw'i edaa k'èè yuhta, ts'edi ıle. ¹⁰ Nòhtsı Abraham ehkw'i edaa k'èè yuhta ekò ası hòt'a wekwò nàat'a ıle? ıle, wekwò

nàat'a kwe Nòhtsɪ ehkw'ɪ edaa k'èè yuhtà ɲè.
 11 Eyɪ tɬ'axqò k'òqòt'a Abraham wekwò nàat'a hqòt'e.
 Abraham wegħa ehkw'ɪ-ahodɪ t'à wekwò nàat'a
 hqòt'e. Eyɪts'ò Nòhtsɪ ehkw'ɪ edaa k'èè yuhtà sɪ
 wekwò nàat'a wegħàà wek'èhoedzò għa adlà hqòt'e.
 Hanìkò wekwò nàat'a kwe-t'ù Nòhtsɪ ehkw'ɪ edaa
 k'èè yuhtà ɲè. Hanì ts'ihzò dọ gɪkwò nàt'à-le kò
 gɪgha ehkw'ɪ-ahodɪ sɪ Abraham hazqò gogħa gotà
 elɪ lanì hqòt'e. Hanì-ɲdè Nòhtsɪ sɪ eyɪ dọ hazqò
 ehkw'ɪ geedaa k'èè goihtà hqòt'e. 12 Eyɪts'ò Moses
 wenàowoò k'èè gɪkwò nàt'aa sɪ ededɪ sɪ gogħa gotà
 elɪ hqòt'e. Gɪkwò nàat'a zò t'à gotà elɪ nùle, hanìkò
 Nòhtsɪ gɪgha ehkw'ɪ-ahodɪ t'à gotà elɪ hqòt'e, Abra-
 ham nàat'a kwe hanì wegħa ehkw'ɪ-ahodɪ ɲè k'èè.

13 Nòhtsɪ dɪ hadɪ ɲè, Abraham, weza eyɪts'ò
 wets'ihzòq-dqò gɲɲɪ sɪ dɪ nèk'e k'àhopedè agole
 ha, gòhdɪ ɲè. Moses wenàowoò k'èagɲɲ'e t'à gɪxè
 hagode ha, gòhdɪ nùle, hanìkò gɪgha ehkw'ɪ-ahodɪ
 t'à ehkw'ɪ geedaa k'èè goihtà ts'ihzò gɪxè hagode
 ha, gòhdɪ. 14 Dọ Moses wenàowoò k'èè geedaa zò
 dɪ nè gɪghaelɪ ha nɲdè Nòhtsɪ edeyatɪ goghàɲzòq
 eyɪts'ò gogħa ehkw'ɪ-ahodɪ gogħa wet'àazà ha nùle.
 15 Moses wenàowoò k'èats'ɲt'e-le nɲdè nàgoehkwa
 ha hqòt'e. Hanìkò eyɪ nàowo gòhɲ-le nɲdè nàgoehkwa
 ha nùle, eyɪ nàowo k'èch'a hots'ehtsɪ-le t'à.

16 Eyɪt'à Nòhtsɪ gogħa ehkw'ɪ adɪ nɲdè, Nòhtsɪ
 ayɪ goghàzà ha dɪ sɪ goghqet'a ha hqòt'e. Nòhtsɪ
 gots'ò wesonɪwò ts'ihzò goghàyezà hqòt'e, eyɪts'ò dọ
 hazqò Abraham wets'ihzòq-dqò agɲɲ'ee sɪ hanì
 gɪxè hòzò ha hqòt'e. Hanìkò dọ Moses wenàowoò
 gɪghòt'ò zò għa nùle, Abraham k'èè Nòhtsɪ gɪgha
 ehkw'ɪ-ahodɪ sɪ ededɪ sɪ gɪgha hqòt'e. Eyɪt'à

Abraham hazòò gogha gotà elì họt'e. ¹⁷ Dii hanì dek'eèhtl'è k'èè, “Dò hazòò xàzaa gha gotà nèwhihtsì họt'e,” dek'eèhtl'è. Nòhtsì sù dò elàidèè nagidà agohzì, eyits'ò dò t'asì gùlì-le sù gít'aaàa agohzì họt'e. Edeđì Abraham gha ehkw'ì adì t'à gotà elì ayìlà họt'e.

¹⁸ Chekoa wets'ò ha wegħa ahxe whìle kò, Abraham Nòhtsì dàyèhđì jlèe sù wegħa ehkw'ì-ahodì. Eyit'à dò lò xàzaa gha gotà whelì. Nòhtsì dī hayèhđì jlè, “Nets'ihzòò-dòò gùlì sù whò laàtłò lagut'e ha,” yèhđì jlèe sù wek'èè agòjà. ¹⁹ K'àhdzò jlèakw'eènò wegħoò jlè, eyì xè sù òhdah whelì eyits'ò wets'èkèè Sarah sù ts'òòko whelì t'à chekoa wets'ò ha dī, hotì yek'èezò, hanìkò edinì nàtso ayìhwhò. ²⁰ Nòhtsì yets'ò dānì eghàlaeda ha dī jlèe sù ghò winì nàtso-le ajà-le, hanìkò Nòhtsì ts'ò denahk'e wegħa ehkw'ì-ahodì ajà, eyit'à Nòhtsì ghàsòedì. ²¹ Nòhtsì dānì yatì whehtsì sù yek'èè eghàlaeda ha wegħa dī-le, hotì yek'èezò họt'e. ²² Abraham Nòhtsì yegħa ehkw'ì adì t'à “Nòhtsì dò ehkw'ì geedaa k'èè yuhtà.” ²³ Dii yatì “Nòhtsì dò ehkw'ì edaa k'èè yuhtà” sù, Abraham wegħa zò hanì dek'eèhtl'è nùile, ²⁴ hanìkò goxì sì gogħa hanì dek'eèhtl'è họt'e. Nòhtsì, Zezì-Krì naidà ayìlāa sù gogħa ehkw'ì adì nùdè, goxì sì ehkw'ì ts'eedaa k'èè goitā ha họt'e. ²⁵ Zezì gohòhì k'èxa elajwo awiìdlā họt'e, eyits'ò gogħa naidà. Eyì ts'ihzò Nòhtsì għa ehkw'ì ts'eedaa k'èè goitā họt'e.

5

Zezì wets'ihzò goinà

1 Eyit'à gogha ehkw'1-ahodi ts'ihzò ehkw'1 agòidlà, eyits'ò gots'ò K'àowo Zezi-Kri wets'ihzò Nòhtsɪ wexè ts'èwhjì ts'eeda. 2 Zezi-Kri wedahxà eyits'ò goxɪ gogha ehkw'1-ahodi t'à Nòhtsɪ edesɔniwqò goghàɪzqò sù dii wet'à ts'eeda. Nòhtsɪ wexè eniyyah t'à welq while ts'ò ts'eeda ha goghàhòɪzq t'à sù goinà hq't'e. 3 Eyi zq weghq goinà nùile, hanikò goxè hoila t'à dats'ɪza nɪdè weghq goinà hq't'e. Dats'ɪza nɪdè wet'à denahk'e goinì nàtso at'ì wek'èts'eezq, 4 eyits'ò goinì nàtso ats'ɪhwhq nɪdè ayì gogha ehkw'1-ahodi sù k'èè ts'eeda ats'et'ì, eyits'ò ayì gogha ehkw'1-ahodi k'èè ts'eeda nɪdè Nòhtsɪ ayì godawhehɪzq sù goghqet'a ha wek'èts'eezq. 5 Eyi gogha ehkw'1-ahodi nɪdè got'ahk'e agode ha nùile. Nòhtsɪ Yedayeh Nezi godzeè yì nàdè ha goghàhòɪzq t'à sù goghqneètq sù wek'èts'eezq agòqlà.

6 Du weniahdi weli: Nòhtsɪ wegħa ehkw'1 nèhòkw'o ekò, ɪlāà edets'ats'edi ha dii ekiyyè k'e Zezi-Kri dq weji għa ɛlɪwo hq't'e. 7 Dq ehkw'1 edaa sù dq yegħa ɛlāàwɪ ha gòhɪ lanì-le hq't'e, hanikò dq nezɪ sù dq yegħa ɛlāàwɪ ha tahkò. 8 Hanikò Nòhtsɪ sù goghqneètq t'à du hanì gogħa eghàlɪdà: ɪlāà hoɪ-hots'ehtsɪ-dqò ats'ɪt'e kò Zezi-Kri gogħa ɛlɪwo ɪlè.

9 Zezi wedoò dahxà ehkw'1 agòidlà. Ehkw'1 agòidlà zqò-le, Zezi wexè ts'eeda t'à Nòhtsɪ nàgoehkwa ch'à edaxàts'eedè ha hq't'e. 10 ɪlāà Nòhtsɪ wek'èch'a ts'eeda ekò weza gogħa ɛlɪwo t'à Nòhtsɪ wexè ts'èwhjì ts'eedaà agòqlà. Nòhtsɪ wexè ts'èwhjì ts'eeda agòidlà zqò-le, dii Zezi wexè ts'eeda t'à denahk'e edaxàgole ha hq't'e. 11 Eyits'ò

gots'ò K'àowo Zezi-Kr1 wet'òò goghò nahoazha ne t'à, Nòhts1 wexè ts'èwh1 ts'eeda ghò goinà họt'e.

Adò wets'ih?ò ɛlaàts'edeè ats'ejà, hanikò Zezi-Kr1 wets'ih?ò ts'eedaà ats'ejà

¹² Dò ɛlè weho1 t'à du nèk'e ho1 kèhòòwo wek'èts'eezò họt'e. Ho1 ts'ih?ò ey1 dò ɛla1wo, ey1ts'ò dò hazòò ho1 hogehts1 ts'ih?ò wexèht'eè ɛlaàgede ha họt'e. ¹³ Ey1t'à Moses wenàowoò goghòza kwe, ho1 du nèk'e whezò ɛlè. Hanikò ey1 nàowo gòh1-le n1dè, ho1 hots'èhts1 s1 gots'ò nawutà ha-le ɛlè. ¹⁴ Hanikò Adò du nèk'e nà1wo gots'ò, Moses ɛdà gots'ò dò hazòò ɛlaàgede ɛlè. Adò Nòhts1 nàowoò nà1zh1 k'èè nàowo nàg1zh1-le kò, g1ts'ò hagòjà. Ey1ts'ò Adò Zezi ɛlaà nùt1a ha ɛlè s1 yexèht'eè lan1 họt'e, ɛlah dò lò gha t'akwe1òò ag1t'e.

¹⁵ Hanikò Nòhts1 ay1 goghà1zòò s1 ey1ts'ò dàn1 ho1 du nèk'e ts'ò ajàa s1 xèht'eè n1le. Dò ɛlaet'ee zò weho1 ts'ih?ò dò lò ɛla1dè, hanikò Nòhts1 weson1wò t'à ey1 nahk'e t'as1 deè gogha hay1l1: dò ɛlè gots'ò ay1l1, ey1 dò weson1wò t'à dò lò g1ho1 g1ghò nahoazha; ey1 dò s1 Zezi-Kr1 họt'e. ¹⁶ Ey1ts'ò du haehs1 ha dehwhò: Nòhts1 wet'à edaxàts'eedè goghà1zòò s1 dò ɛlè weho1 ts'ih?ò dò g1ts'ò dànàhòwoo s1 xèht'eè n1le. Dò ɛlè ho1 hòehts1 t'à dò hazòò g1s1nyaet1 xè ho1la ag1dlà, hanikò dò ho1 lò hogèhts1 t'axòò Nòhts1 wet'à edaxàts'eedè goghà1zòò s1 t'à ehkw'1 anag1dlà. ¹⁷ Ey1t'à dò ɛlè ho1 hòehts1 ts'ih?ò dò hazòò ɛlaàgede ha ɛlè. Nòhts1 ey1 nahk'e t'as1 deè gogha hay1l1: Dò ɛlè wet'òò Nòhts1 edeson1wòò denahk'e goghàye2à ha ey1ts'ò dò hazòò wexè geedaa s1 ehkw'1 geedaa k'èè gutà ha họt'e. Ey1 dò s1 Zezi-Kr1 họt'e.

18 Eyit'à dọ ɲè hoɲɲ hòèhtsɪ ts'ihzò dọ hazòò hoila agiìdlà, eyi xèht'eè lanì dọ ɲè ehkw'ì eghàlajda t'à dọ hazòò gɪhoɲɲ gɪghò nahoazhaà agiìdlà, eyits'ò welò while ts'ò geedaà agedle ha. 19 Dọ ɲè Nòhtsɪ k'èajt'è-le ts'ihzò dọ lọ hoɲɲ-hogehtsɪ-dòò gɪɲɲ agiìdlà, eyits'ò eyi lanì dọ ɲè Nòhtsɪ k'èajt'è ts'ihzò dọ lọ ehkw'ì agedle ha.

20 Dọ dezòò hoɲɲ hogehtsɪ wek'èhoedzò gha Moses wenàowoò goghòt'ò ɲè. Dọ dezòò hoɲɲ hogehtsɪ nɲè Nòhtsɪ denahk'e gots'ò sɔnɪwòò ajà. 21 Hanì hòzò t'à hoɲɲ ts'ihzò dọ ɛ̀aàgede ɲè, hanìkò Nòhtsɪ gots'ò sɔnɪwò t'à ehkw'ì geedaà k'èè gutà agole ha, eyits'ò Zezì-Krì wet'òò welò while ts'ò geedaà agole ha.

6

Hoɲɲ ts'ò ɛ̀aàts'ɲdè, hanìkò Zezì-Krì wets'ihzò ts'eeda họt'e

1 Hanì hòzò nɲè dàts'edì weli? Nòhtsɪ dezòò gots'ò sɔnɪwò t'à k'èdaà hoɲɲ hots'ehtsɪ ha nì? 2 Hanì ha honàedì nùle! Goxɪ hoɲɲ hots'ehtsɪ ts'ò ɛ̀aàts'ɲdè gha goità họt'e. Eyit'à dànì k'èdaà hoɲɲ hots'ehtsɪ weli? 3 Goxɪ hazòò Zezì-Krì wɲzì t'à gok'ètaìdzò sɪ wexè ɛ̀aàts'ɲdè lats'ejà họt'e, eyi wek'èahsò-le nì? 4 Gok'ètaìdzò ekò wexè ɛ̀aàts'ɲdè lats'ejà ɲè eyits'ò wexè gokw'òò nìtòò lats'ejà ɲè. Hanìkò Nòhtsɪ-Gotà enɲyah họt'e sɪ Zezì-Krì nàidà ayɲlà họt'e, eyits'ò goxɪ sɪ ɛ̀adɪ k'èè ts'eeda ats'ede ha.

5 Wexè ɛ̀aàts'ede k'èè goità nɲè, wexèht'eè nats'ìdà k'èè goità ha họt'e. 6 ɲnèè dọ dàhòt'ɲ ts'ɲlèè

sì Zezì-Krì xè dechjet'aa k'e wedùtsò họt'e. Hanì-
 ìdè gonìhù sù wedìhołè adle ha, eyìts'ọ hołù gots'ọ
 k'àhowo ha-le. ⁷ Amì hanì ełajwo sù hołù-nàowo
 yets'ọ k'àhowo-le awìdlà họt'e.

⁸ Eyìt'à Zezì-Krì wexè ełàats'ùdè nùdè wexè
 ts'eeda ha sù gogha ehkw'ì-ahodì họt'e. ⁹ Zezì-Krì
 ełajwo gots'ọ nàidà wek'èts'eezọ họt'e, k'achì ełàawì
 hołù ha nùle. Ełàats'ewù sù k'achì yets'ọ k'àhowo
 hołù ha nùle. ¹⁰ Ełajwo ekò, gohołù k'èxa ìlàà zọ
 ełajwì ha họt'e. Hanìkò dì edaa sù Nòhtsì gha eda
 họt'e.

¹¹ Eyì xèht'èè naxì sì hołù ts'ọ ełaahe k'èè
 ededaàniàhdè. Hanìkò Zezì-Krì wet'òò Nòhtsì gha
 aahda k'èè ededaàniàhdè. ¹² Eyìt'à naxìhù t'anìwọ
 k'èè aahda-le. Naxìzhì ełàawì ha sù hołù yets'ọ
 k'àowo welè-le. ¹³ Naxìzhì wùzì t'à hołù hoahsì-
 le, wet'à hołù k'èè k'ehoahza-le. Hanìkò dọ ełàdèe
 gots'ọ nàidà laah't'e lanì naxìzhì hazọ t'à Nòhtsì
 ghàdeah'tè, eyìts'ọ naxìzhì t'à Nòhtsì gha ehkw'ì
 eghàlaahda. ¹⁴ K'achì hołù naxìts'ọ k'àhowo welè-
 le, Moses wenàowo t'ì a dahkw'e nùle t'à, hanìkò
 Nòhtsì wesọniwọ t'ì a dahkw'e họt'e.

Ehkw'ì ts'eedaa nàowo sù gogha k'àowo họt'e

¹⁵ Goxè hagòht'e nùdè, dàts'ejà lì? Nàowo t'ì a
 ts'eèkw'e-le hanìkò Nòhtsì wesọniwọ t'ì a ts'eèkw'e
 t'à k'èdaà hołù hots'ehtsì ha nì? Hanì ha honàedi
 nùle! ¹⁶ Dọ naxìts'ọ k'àhowo ha weghàdeah'tè nùdè
 wek'èah't'e ha họt'e, wek'èhoahsọ-le nì? Hołù dah-
 whọ sù naxìts'ọ k'àhowo nùdè wet'à ełaahe ha.
 Hanìkò Nòhtsì k'èah't'e nùdè wet'à ehkw'ì aahda
 ha họt'e. ¹⁷ Hołù naxì nì ts'ọ k'àhowo k'èè zọ
 eghàlaahda ìlè, hanìkò godì nezù hoghànaaxeètọ

ekò hotù naxıdzeè t'à wek'èaht'e dahwhòò aahjà, eyı gha Nòhtsı ması wets'ıhwhò họt'e. ¹⁸ Hoıı naxıts'ò k'àowo-le anaxııdlà; naxıni hoıı nıwqò sıı wek'èaht'e ha naxıdaèt'è-le ajà. Ehkw'ı ts'eedaa nàowo sıı naxıts'ò k'àowo ajà.

¹⁹ Naxıni nàtso-le t'à, nezıı wenıahdı ha k'èè hoghànaxeehtò. Naxızhıı t'à hoıı hoahtsı ıle. Naxıni hoıı nıwqò sıı wek'èaht'e ıle, eyıt'à de-nahk'e hoıı hoahtsı ıle. Hanıkò dıı sıı naxızhıı t'à ehkw'ı eghàlaahda, hanı-ıdè degai k'èè aahda ha. ²⁰ İıaà hoıı naxıts'ò k'àowo ekò naxıni hoıı nıwqò k'èè zò aahda ıle. Ehkw'ı ts'eedaa nàowo naxıts'ò k'àowo-le ıle, eyı sıı wek'èaht'e ha dıı ıle. ²¹ Ayıı weghàlaahda ıleè sıı dıı weghò ıızhaahı họt'e. Hoıı hòahtsı t'à naxıgha sıghà hòzò nııle. Eyı hoıı wets'ıhò èlaàts'ede họt'e. ²² Hanıkò dıı sıı hoıı naxıts'ò k'àowo-le ajà, eyıts'ò Nòhtsı naxıts'ò k'àowoò aahjà. Hanı goxè hòzò nıdè degai ts'ıııı ats'ede ha, eyıts'ò welò whıle ts'ò ts'eedaa agole ha. ²³ Hoıı hots'ehtsı k'èxa èlaàts'ede họt'e. Hanıkò gots'ò K'àowo Zezi-Krı wet'òò Nòhtsı welò whıle ts'ò ts'eedaa agòòlà họt'e.

7

Moses wenàowoò ts'ò èlaàts'ıdè, hanıkò Yedàyeh Nezıı wets'ıhòò ts'eeda họt'e

¹ Sèot'ıı, naxı sıı Moses wenàowoò wek'èahsò họt'e. Dò dıı nèk'e geeda gots'ò eyı nàowo gıts'ò k'àowo họt'e, wek'èahsò-le nı? ² Ekıı-hò wedaànıts'ıdè: Moses wenàowoò k'èè ts'èko wedòò eda gots'ò wedòò xè ıle zò lanı họt'e, hanıkò wedòò èlaıwo nıdè wet'à hots'et'ıı nàowoò wegħa ità-le

ajà. ³ Eyit'à ɬaà wedqò eda et'ù dɔzhì eyi-le xè honòqɔza-ɬdè hoɬɬ k'èè eghàlaɬdà hɔt'e. Hanikò wedqò eɬaɬwo t'axòqò dɔ eyi-le xè honòqɔza nɬdè hoɬɬ k'èè eghàlaeda niile.

⁴ Eyit'à sèot'ɬ, Zezi eɬaɬwo ts'ihzò Moses wenàowoò ts'ò eɬaahdè k'èè naxità. Hanì-ɬdè eyi-le wets'q aaht'e ha, Zezi-Kri gogha naìdà wets'q aaht'e ha, eyit'à Nòhtsi wini k'èè aahda ha hɔt'e.

⁵ Goiniɬ gots'ò k'àhowo ekò, Moses wenàowoò weghò ets'iikw'o t'à gonihɬ yek'èch'a eghàlaeda ha niwò. Eyits'q gozhì t'à hoɬɬ hots'èhtsi, gonihɬ k'èè eghàlats'eeda ɬèè sù wet'à eɬaàts'ede ɬè. ⁶ Hanikò dii sù eyi nàowo ts'ò eɬaàts'ɬdè k'èè goità t'à eyi nàowo gots'ò k'àhowo-le ajà. Eyit'à Yedayeh Nezɬ wenàowoò gòò t'à ts'eedaà ats'ejà, Moses wenàowoò wezqà dek'eèht'èè sù wek'èè ts'eeda-le ats'ejà.

Moses wenàowoò t'à hoɬɬ k'èts'eezqò ats'et'ì

⁷ Eyit'à Moses wenàowoò ghò dàts'edi weli? Eyì nàowo hoɬɬ ni ɬ'e? Hanì niile! Ayì hoɬɬ ne sù wek'èehsq ha-le ɬè, hanikò eyi nàowo zq weghàà wek'èehsqò ahjà. “Dɔ t'asì wets'q sù weahwhò ha-le,” dek'eèht'è-le nɬdè, dɔ eyi-le wets'q t'asì ts'ɬwò nɬdè ehkw'i niile, eyi deghàà wek'èehsq ha-le ɬè. ⁸ Hanikò eyi nàowo wek'èch'a aht'ɬ ha segha hòzòqò adlà hɔt'e. T'asì ɬò sets'q-le sù sinihɬ t'à weghaehwhi ahjà. Nàowo gòhɬ-le nɬdè hoɬɬ nàowoò whìle ha ɬè. ⁹ Moses wenàowoò ghò eèhkwo kwe ehda ɬè, hanikò eyi nàowo seghòt'q ts'òet'ù hoɬɬ hohtsi ha dehwhò ahjà, eyits'q eɬaɬwho lahjà. ¹⁰ Eyì nàowo et'ù wet'à ts'eeda ha hɔt'e ɬè, hanikò wet'à eɬaàts'ede wek'èhoèhà.

11 Eyì nàowo wek'èch'a aht'ì ha segha hòzòò adlà t'à sìnìhù seghoyaàzò eyits'ò wek'èch'a ahjà. Eyì nàowo wets'ihzò hòhù ełaihwhòò asìllà. 12 Moses wenàowoò hazòò degai họt'e eyits'ò nàowodeè sì degai, ehkw'ì xè nezì họt'e, wek'èts'eezò.

13 Eyit'à eyì nàowo nezù sù ełaihwhòò asìllà nì? Hanì honàedi nùile! Eyì nàowo nezù wet'òò go-hòhù sù weju họt'e wenits'eedi ats'et'ì, eyits'ò nàowo nezù wek'èts'eezòò ats'et'ì nùdè hòhù ełàats'edeè agohzì họt'e. Eyit'à nàowodeè weghàà gohòhù sù weju họt'e wenits'eedi.

14 Moses wenàowoò sù degai-deè họt'e wek'èts'eezò, hanikò goxì sù degai-deè ats'ùt'e nùile, hòhù gots'ò k'àhowo t'à. 15 Dàht'ù-aht'ù sù deghàà weniehdì nùile. Ayì dàhè ha dehwhòò sù k'èè eghàlaehda-le, hanikò ayì wedzaehwhòò sù eyì weghàlaehda. 16 Eyit'à ayì dàhè ha dehwhòò le kò weghàlaehda nùdè eyì nàowo nezù họt'e nòò dehwhò aht'ì. 17 Eyì weghàà xàè sù aht'ì-le wek'èhsò, hanikò hòhù seyì whezòò sù hòhù k'èè eghàlaehdaà asehzì. 18 T'asì nezù wùzì sets'ò-èlì nùile wek'èhsò, sìnì hazòò hòhù zò họt'e. Ayì nezù sù weghàlaehda ha dehwhò, hanikò t'asì nezù weghàlaehda ha segha dùi họt'e. 19 T'asì nezù weghàlaehda ha dehwhòò sù weghàlaehda-le. Nàowòhù k'èè eghàlaehda ha-le dehwhò kò k'èdaà nàowòhù k'alahwo. 20 Sù hahwhò-le kò haht'ì nùdè, sù xàè aht'ì nùile, hanikò hòhù seyì whezòò sù eyì at'ì họt'e.

21 Eyit'à dù hanì sexè hòzò: Nàowo nezù eghàlaehda ha dehwhò kò nàowòhù sedaèht'è.

22 Sedzeè t'à Nòhtsì wenàowoò degai ghò sìnà

hõt'e, ²³ hanikò nàowohũ sezhiì yì eghàlaedaa sù nàowo nezũ sedzeè yì whezqò k'èch'a eghàlaeda wek'èhsò. Hohũ-nàowoò seyì eghàlaedaa sù sets'ò k'àhowo t'à sedaàtò laht'e. ²⁴ Eyit'à sù sexè gots'eèdi hõt'e! Dũ sezhiì wet'à ełahwhì ha sù amì yech'à edaxàsũhtì lì? ²⁵ Nòhtsì masì weehwhò, gots'ò K'àowo Zezi-Krì wet'òò edaxàsetè ha hõt'e! Eyit'à sedzeè yì Nòhtsì wenàowoò sets'ò k'àhowo hõt'e, hanikò sìnũ ts'ihzò hohũ-nàowoò sets'ò k'àhowo hõt'e.

8

Yedàyeh Nezũ wets'ihzò ts'eeda hõt'e

¹ Hanikò amì Zezi-Krì xè aget'ũ sù ełàgede gha gısınıyaetì ha-le. ² Zezi-Krì wedahxà Yedàyeh Nezũ wet'à ts'eedaa sù hohũ-nàowoò eyits'ò ełàats'ewũ nàowoò ch'à edaxàgohtè hõt'e. ³ Moses wenàowoò gots'àdì ha dũ, goinũ ts'ihzò gogha nàtso-le ajà t'à. Hanikò Nòhtsì gots'àdì hõt'e. Xàè Edeza goxèht'eè hohũ-hohtsũ-dòò k'èè wègaat'ũ sù gohohũ k'èxa ełàawì ha gots'ò ayìlà. Hani hohũ-hogehtsũ-dòò gihohũ yesınıyahtì hõt'e. ⁴ Hani-ıdè Moses wenàowoò k'èè t'asì hazqò deghàà ehkw'ì hats'ele ha lèè sù hòt'a godzeè yì deghàà ajà. Dũ goinũ k'èè ts'eeda nũle, Yedàyeh Nezũ wek'èè ts'eeda hõt'e.

⁵ Dò edinũ k'èè geedaa sù ginũ t'anıwqò sù k'èè ginì nàtsoò adegìlà. Hanikò dò Yedàyeh Nezũ k'èè geedaa sù Yedàyeh Nezũ daniwqò sù k'èè ginì nàtsoò adegìlà. ⁶ Hohũ-hohtsũ-dòò edinũ t'à ełàawì ha hõt'e, hanikò dò Yedàyeh Nezũ yini ts'ò k'àowo sù eda xè wexè sìghà hõt'e. ⁷ Gonũ sù

Nòhtsɪ wek'èch'a hɔt'e. Nòhtsɪ nàowoò k'èɪt'e ha nɪwɔ-le xè Nòhtsɪ nàowoò k'èɪt'e ha dii. ⁸ Dɔ gɪnɪhɪ gɪts'ɔ k'àhowoo sɪ Nòhtsɪ wɪnà hogehtsɪ ha dii.

⁹ Ekò naxɪ sɪ naxɪnɪhɪ naxɪts'ɔ k'àhowo nɪle, hanikò Nòhtsɪ wets'ɔ ɪnɪ naxɪts'ɔ-èlɪ nɪdè Yedàyeh Nezu naxɪts'ɔ k'àowo hɔt'e. Amɪ Zezì-Krɪ wets'ɔ ɪnɪ wets'ɔ-èlɪ-le nɪdè Zezì-Krɪ wets'ɔ dɔ elɪ nɪle.

¹⁰ Hanikò Zezì-Krɪ naxɪdzeè yɪ nàde nɪdè, hoɦɪ ts'ɪhʔò naxɪzhɪ eɫaɪwo lanɪ, hanikò Nòhtsɪ gha ehkw'ɪ anaxɪɪdlà ts'ɪhʔò naxɪts'ɔ ɪnɪ eda hɔt'e.

¹¹ Nòhtsɪ ededɪ sɪ Zezì nàidà ayɪlɪ hɔt'e, eyɪts'ɔ edets'ɔ Yedàyeh Nezu t'à naxɪzhɪ eɫaàde ha sɪ nàidà ayele ha, Yedàyeh Nezu naxɪdzeè yɪ nàdè ne t'à.

¹² Eyɪt'à sèot'ɪ, Yedàyeh Nezu wek'èè ts'eeda ha hɔt'e, gonɪhɪ k'èè ts'eeda ha nɪle. ¹³ Naxɪnɪhɪ k'èè aahda nɪdè eɫaahde ha, hanikò Yedàyeh Nezu wedahxà naxɪzhɪ wets'ɔ hoɦɪ-nàowoò eɫadè aahɫà nɪdè aahda ha, ¹⁴ amɪ Nòhtsɪ wets'ɔ ɪnɪ gɪts'ɔ k'àhowoo sɪ Nòhtsɪ weza agɪt'e t'à. ¹⁵ ɪnɪ naxɪts'ɔ ajàa sɪ naxɪnɪ deɟɪ ha anaxɪlɪ nɪle, hanikò Yedàyeh Nezu naxɪk'e ajà t'à Nòhtsɪ weza aahɫ hɔt'e. Yedàyeh Nezu wedahxà, “Abà, Setà,” ts'edɪ hɔt'e. ¹⁶ Yedàyeh Nezu eyɪts'ɔ gots'ɔ ɪnɪ ɪlɪh, “Nòhtsɪ weza ats'ɪt'e,” gògedɪ. ¹⁷ Eyɪt'à Nòhtsɪ weza ats'ɪt'e nɪdè Nòhtsɪ-Gotà ayɪ edeza ghàyele ha sɪ goxɪ sɪ goghàyele ha hɔt'e. Zezì-Krɪ wexè Nòhtsɪ weza ats'ɪt'e nɪdè Weza xè t'asɪ goghàyele ha hɔt'e. Zezì-Krɪ wexè dats'ɪɪza nɪdè goxɪ sɪ wexè enɪyah deè goghàhòt'à ha hɔt'e.

ɪdà nɪdè goxè enɪyah hòʔɔ agode ha

¹⁸ ɪdà nɪhɔɔwo-ɪdè Nòhtsɪ dànɪ enɪyah k'èè gots'ɔ eghàlaeda ha sɪ weghɔ nàɪhwho nɪdè, dii

dats'ɲɔza sɪ segha t'asɪ nɪle. ¹⁹ Dɪ nɛ eyɪts'ɔ t'asɪ hazɔɔ wek'e hòèɲ sɪ ɪdaà Nòhtsɪ weza gìgoèht'ɪ agedle ha sɪ ts'ò kanɪgeèzà hɔt'e. ²⁰ T'asɪ hazɔɔ hòèɲ sɪ xè gots'eèdɪ agòjà. Ededɪ hanì ha gɪwɔ-le, eyɪts'ɔ hanì edets'ò eghàlagɪdà-le, hanìkò Nòhtsɪ sɪ hanì gɪxè hòzòò ayɪlà. ²¹ Hanìkò ɪdaà nɪdè Nòhtsɪ t'asɪ hazɔɔ tsɪwɪ ch'à edaxàyele ha hɔt'e. Nòhtsɪ weza agɪt'ee sɪ k'achɪ hòɲ gots'ò k'àowo ha-le, t'asɪ hazɔɔ hòèɲ sɪ gɪxè whela ha eyɪts'ɔ enɪyah xè sɪghà geeda ha.

²² Dɪ gots'ò Nòhtsɪ t'asɪ hazɔɔ whehtsɪ sɪ dagɪza hɔt'e, ts'èko webebɪa gòhlè ha t'à hɔetse eyɪ lagòht'e wek'èts'eezɔ. ²³ T'asɪ hòèɲ zɔ hanì dagɪza nɪle, goxɪ sɪ Yedàyeh Nezɪ hòt'a goyɪ eghàlaeda ats'ɲt'ee sɪ godzeè t'à hɔts'eetse hɔt'e. L'òò Nòhtsɪ weza ts'ɲɪ ha gòihchɪ ha, eyɪts'ɔ gozhɪ degghà edaxàzhe ha wekanɪts'eèzà xè wek'enats'eèhɪ. ²⁴ Eyɪ wekanɪts'eèzà t'à edaxàgoazha hɔt'e. Ayɪ wekanɪts'eèzà sɪ gogha wègaat'ɪ nɪdè k'achɪ wek'enats'eèhɪ ha nɪle, ayɪ wekanɪts'eèzà sɪ hòt'a goghòt'ɔ ne t'à. ²⁵ Hanìkò t'asɪ wekanɪts'eèzà sɪ ɲàà gots'ɔ-le nɪdè, ts'èwhɪ wek'enats'eèhɪ.

²⁶ Eyɪ xèht'eè edegha nàts'etso-le t'à Yedàyeh Nezɪ gots'àdɪ xè hɔetse hɔt'e. Ayɪ gha yats'ehtɪ ha sɪ degghà wek'èts'eezɔ nɪle, hanìkò Yedàyeh Nezɪ hɔetse ladɪ xè gogha yahtɪ hɔt'e. Dàni hɔetsee sɪ weggha yatɪ whìle hɔt'e. ²⁷ Nòhtsɪ godzeè k'èezɔ sɪ Yedàyeh Nezɪ wɪnɪ sɪ k'èezɔ hɔt'e. Yedàyeh Nezɪ sɪ Nòhtsɪ wɪnɪ k'èè Nòhtsɪ wets'ɔ dɔ gha yahtɪ hɔt'e.

T'asɪ wɪzɪ Nòhtsɪ ts'òò agole ha nɪle

28 Dọ Nòhtsɪ ghòneètqọ sù eyits'ọ wɪnì k'èè gùichì sù t'asì hazọq t'à gɪxè sìghà ayehzì wek'èts'eezọ họt'e. 29 Nòhtsɪ amì weza gùlì ha nadaq̄ yek'èezọq sù Zezì lagede ha nadaq̄ gòhchì ìlè. Eyit'à wechì lọ gɪta gots'ọ sù Nòhtsɪ weza ededì denahk'e wet'aaʒaa elì họt'e. 30 Nòhtsɪ nadaq̄ dọ weza gùlì ha gòhchì ìlè sù gokayaɪhtì họt'e; dọ gokayaɪhtì sù ehkw'ì agòòlà; eyits'ọ dọ ehkw'ì agòòlà sù welọ while ts'ọ gɪxè enɪyah hòʒq̄ agòòlà.

31 Eyit'à eyì wek'èts'eezọ nɪdè weghọ dats'edì welì? Nòhtsɪ goxè họt'e nɪdè amì gok'èch'a at'ì welì? 32 Xàè Weza sù edegha yek'èdì-le, hanìkò hazọq̄ gogha elajwoò ayìlà. Hotù gogha hanì eghàlajdà nɪdè, t'asì hazọq̄ edeza ghàyìlaa sù goxì sù ededzeè t'à goghàyele ha wek'èts'eezọ. 33 Nòhtsɪ dọ gòhchì sù ehkw'ì agòòlà ne t'à dọ wɪzì gok'e nìdahoeʒà ha dì. 34 Eyit'à amì elàats'ehde gha gosɪniyaeh̀tì ha? Dọ wɪzì-le! Zezì-Krì gogha elajwo, gogha naidà, eyits'ọ dì Nòhtsɪ gà nàgots'eh̀nè wheda xè gok'edaedì họt'e. 35 Zezì-Krì goghòneètqọ sù amì eyì ch'à ìlak'aà agole ha? Dọ wɪzì-le! Gogha hoìla nɪdè, gogha hoezhì nɪdè, dats'ɪzà nɪdè, bọ while nɪdè, gogha goht'ọ while nɪdè, gogha hoejì nɪdè, dọ elàagòhde ha gɪwọ nɪdè, asì eyì hazọq̄ t'à Zezì goghòneètq̄ ch'à agogele ha? Ìle ne! 36 Dì hanì dek'eèht'è:

“Dzè ghàà nets'ihʒò elàats'ede ha lanì goxè hòʒq̄, sahʒq̄ elàagùhwhì ha lanì gots'ọ nageʒa,” dek'eèht'è.

37 Goxè hanì k'ehokw'o kò, Zezì goghòneètqọ sù wets'ihʒò goxì hòt'a hots'eèhnọ họt'e. 38 Nòhtsɪ goghòneètqọ sù t'asì wɪzì yech'à ìlak'aà agole ha nùle, hotù wek'èts'eezọ. Elàats'edee, ts'eedaa,

ehk'èè ɬàà goghɔneètɔ ha hɔt'e. Yak'eet'ɬì hani-le-ɬdè ɬnìɬɬ yets'òò agole ha nùle. Dì dani k'ehokw'oo, ɬdaà dàgode ha sɬ t'à wets'òò agole ha nùle, eyits'ò Nòhtsɬ dani goghɔneètɔ sɬ ch'à ɬak'aà agogele ha nùle. ³⁹ ɬdoo yat'a k'àhokedèe, ɬzhì dèe got'l'a k'àhokedèe eyits'ò Nòhtsɬ t'asì hazòò whehtsɬ gots'ò t'asì wɬzì sɬ Nòhtsɬ dani goghɔneètɔ ch'à ɬak'aà agogele ha dì hɔt'e, gots'ò K'àowo Zezì-Krì wets'ìhòò.

9

Nòhtsɬ edinì k'èè gòhchì hɔt'e

¹ Zezì-Krì wedahxà ehkw'ì gohde, naxits'ò hohs'ì nùle. Yedàyeh Nezi sɬ ts'ò k'àowo ne t'à, ayì segha ehkw'ì sɬ wek'èè naxits'ò gohde ha: ² Israel got'ɬì gìghò sɬ segha dì, eyit'à sedzeè nànitì. ³ Sɬ sexè hoila eyits'ò Zezì-Krì wets'òò zòseèhdo k'èxa Israel got'ɬì xàe sèot'ì agɬt'ee sɬ edaxàgɬde nɬdè, sɬnà ha hɔt'e. ⁴ Edeɬ sɬ xàe wets'ò dò gɬɬ ha eyits'ò xàe weza gɬɬ ha Nòhtsɬ gòhchì hɔt'e. Enìyah t'à Gìnòhtsɬ elɬ sɬ gɬk'èezòò agòòlà, goxè nakenawhehtsɬ, Moses wenàowoò goghàzò, Nòhtsɬ ts'ò yagehtì ha Nòhtsɬkò-gocho goghàzò, eyits'ò edaxàgole ha edeyatì goghàzò ɬè. ⁵ Gìcho Abraham, Isaac, eyits'ò Jacob gots'ò dò gɬɬ hɔt'e. Dì nèk'e sèot'ì gita gots'ò Zezì-Krì wecho gòlè hɔt'e. Zezì edeɬ t'asì hazòò gha Nòhtsɬ elɬ sɬ welò while ts'ò weghàsòts'eedi welè! Amen.

⁶ Nòhtsɬ weyatì k'èè agòjà-le ts'ɬwò nɬdè ehkw'ì ats'ɬwò nùle. Israel wets'ìhòò-dòò gɬɬ sɬ hazòò Israel got'ɬì gha gutà nùle. ⁷ Eyits'ò Abraham wets'ìhòò-dòò gɬɬ sɬ hazòò Abraham weza gha

guità nuile. Hanikò Nòhtsı Abraham xè yatı whehtsı ekò dıı hadı ìlè, “Isaac wets'ihzòq-dòq ededı zò nets'ihzòq-dòq gha guità ha,” Nòhtsı Abraham ts'ò hadı ìlè. ⁸ Eyıt'à dıı hats'edı ha dıı-le, Abraham wets'ihzòq-dòq hazqò Nòhtsı weza gha guità nuile, hanikò Nòhtsı chekoa Abraham ghàyele ha dıı sıı eyı zò Abraham weza gha guità ha họt'e. ⁹ Dıı hanı Nòhtsı Abraham xè yatı whehtsı ìlè, “Eyı nèhòkw'oò ahlà nıdè jò anahde ha, ekò-ıdè Sarah wezaa gòhı ha,” yèhdi ìlè.

¹⁰ Eyı zòq-le, Rebekah weza gıtà ìlè zò ìlè, eyı sıı gocho Isaac họt'e. ¹¹⁻¹² Gıza elèchòekèa gıgòhı kwe, ehkw'ı hogehtsı hanı-le-ıdè ekò-le hogehtsı kwe-t'ıı Nòhtsı Rebekah ts'ò dıı hadı ìlè, “Goıde sıı gochı gha eghàlaeda ha,” yèhdi ìlè. Eyı weghàà Nòhtsı dọ ayı hòèhtsı sıı weghàà dọ ìhchı nuile wek'èts'eezò, hanikò Nòhtsı ednı k'èè dọ ìhchı họt'e. ¹³ Eyıt'à dıı hanı dek'eèht'è họt'e: “Jacob weghòneehtò họt'e, hanikò Esau segha wedè,” dek'eèht'è.

¹⁴ Nòhtsı sıı ehkw'ı k'ehòza-le ts'edı ha nı? ìle, hats'edı ha honàedı nuile! ¹⁵ Nòhtsı Moses ts'ò dıı hadı ìlè,

“Amı ts'ò sòdehwhò ha sıı ts'ò sòdehwhò ha. Eyıts'ò amı eteweèh?ı ha dehwhòq sıı eteweèh?ı ha họt'e,”
yèhdi ìlè.

¹⁶ Dọ wıı k'èè hanı-le-ıdè yek'èxa eghàlaıdà t'à edaxàweetè nuile, hanikò Nòhtsı eteyeè?ı t'à edaxàweetè họt'e. ¹⁷ Nòhtsı Nıht'è k'e Nòhtsı Egypt gha k'àowocho ts'ò dıı hadı, dek'eèht'è: “Nı net'à t'ası wıızı segha dıı-le aht'e dọ gık'èezò ha t'à dèe-ts'ò-k'àowo nèwhıhtsı họt'e, eyıts'ò nı net'à ayı dähle ha sıı wet'à dıı nèk'e dọ hazqò sızı nechàa

gehtsı ha,” dek'eèhtl'è. ¹⁸ Eyıt'à Nòhtsı amı eteèzı ha nıwq sı eteèzı hq't'e, hanıkò Nòhtsı dq yek'èch'a at'ı ha nıwq sı yek'èch'a at'ı ayehzı hq't'e.

¹⁹ Naxı sets'ò dı haahdı ha tahkò: “Hanı hòzq nıdè, dànıghq Nòhtsı ılaà gok'e nıdahoezà? Nòhtsı hanıwq nıdè dq wızzı yımı k'èch'a ade ha dıı,” sèahdı ha tahkò. ²⁰ Hanıkò ayııcho aaht'e dahwhq t'à hanı Nòhtsı ts'ò ek'èt'à goahde weli? “Ededı gòèhtsı sı wek'èch'a gots'ede ha nı? ‘Dànıghq dı hanı sèwheèhtsı nq'ò?’ hats'edı dawets'eehke ha nı?” ²¹ Dq ehtl'è t'à tq ehtsı sı dànı awehıe nıwq sı k'èè yehtsı hq't'e. Tq mòhdaa dzq taat'eè wet'ahot'ı gha yehtsı eyıts'q tq mòhdaa wèdaat'ı xè nàsıdeè wet'ahot'ı gha yehtsı hq't'e. Eyıt'à dq ehtl'è t'à tq ehtsı sı ayıı gha awehıe nıwq sı wets'ò hoèlı ne sqnaà?

²² Eyı lanı Nòhtsı wexè hòzq hq't'e. Nòhtsı dq ts'ò wek'èch'a gık'èezq ha, eyıts'q dànı t'ası wegħa dıı-le wexè hòzq sı dq gık'èezq ha nıwq nıdè wets'ò hoèlı hq't'e. Whaà gots'q dq xè wek'èch'a kò goxè ts'èwhıı nıwq ıle, hanıkò godıhohtsı ha nıwq nıdè ededı wets'ò hoèlı hq't'e. ²³ Nòhtsı dq etegoèhıı sı dànı wexè enııyah hòzq sı dq gidzeè t'à gık'èezq ha nıwq t'à, whaà gots'q ts'èwhıı godanaèhıı ıle. Dq gıxè enııyah hòzq ha sı nadaq qòıhchı ıle. Nòhtsı hanı eghálaeda ha wets'ò hoèlı hq't'e. ²⁴ Goxı kò gokayaıhtı hq't'e; Israel got'ıı zq gıta ts'q dq agòòlè-le, hanıkò dq eyıı-le xàzaa ededı sı gıta gots'q dq gokayaıhtı hq't'e. ²⁵ Nakwenàozq Hosea wenıhtl'è k'e Nòhtsı dı hadı ıle k'èè:

“Dq sets'q agııt'e-le sı ‘sets'q dq agııt'e,’ gèehı ha eyıts'q amı gıghqneehtq-le ıleè sı ‘dq gıghqneehtq

agüt'e,' gèehsì ha," dek'eèhtl'è.

²⁶ Eyits'ò dũ hanì dek'eèhtl'è:

"Nòhtsì edì nèk'e dọ gots'ò du hadì, 'Sets'ò dọ aaht'e nùle,' gòhdi ìlè sù, eyi nèk'e et'ù, 'Nòhtsì Edaa weza agüt'e,' gòhdi ha," dek'eèhtl'è.

²⁷ Nakwenàòzọọ Isaiah Israel got'ù goghọ hadì ezeh ìlè:

"Israel got'ù sù lọ ade ha. Tabàa ewaà dàtlọ sù eyi laàtlọ agede ha. Lọ geet'è kò, lọ-lea zọ edaxàdè ha. ²⁸ Gots'ò K'àowo ìwhàà edeyatù k'èè eghàlaeda ha xè du nèk'e dọ hazọ ìwhàà nàgoehkwa ha," dek'eèhtl'è.

²⁹ Ìnèè nakwenàòzọọ Isaiah dàdũ sù eyi lanì:

"Gots'ò K'àowo t'asù wegħa dì-le sù gots'ìh'ò-ò-ò goghàyìla-le nìdè, gòet'ì hazọ gidìhoè ha ìlè. Kòta Sodom eyits'ò kòta Gomorah dọ gixè dàgòjà sù goxì goxè hagode ha ìlè," Isaiah hadì, dek'eèhtl'è.

Israel got'ù gìgha ehkw'i-ahodì-le

³⁰ Eyt'à ayì awèts'edi? Dũ awèts'edi họt'e: Dọ Israel got'ù agüt'e-le kò, eyits'ò Nòhtsì għa ehkw'i agüt'e għa hòtl'ò eghàlagùdà-le kò, gìgha ehkw'i-ahodì t'à Nòhtsì xè ehkw'i agüt'eè agejà.

³¹ Israel got'ù Moses wenàowoò t'à ehkw'ì agede ha hogeèhdzà, hanìkò ìlè Nòhtsì għa ehkw'ì agede ha dì. ³² Dànìghọ ehkw'ì agede ha dì? Moses wenàowoò k'ègedì wet'òò ehkw'ì agede ha gũwọ ìlè, hanìkò Nòhtsì gìgha ehkw'i-ahodì-le t'à ehkw'ì agede ha dì. "Kwe wek'edats'itàa" sù wetegeètl'ì lagejà. ³³ Eyi kwe wegħọ dũ hanì dek'eèhtl'è:

“Hotù ààhkwo, Jerusalem ekò kwe whezòò ahlà, wet'à dọ lọ wetegeet'i lagede ha, hanikò amì eyi kwe ghọ wini nàtsòò sù ùzhaelì awedle hòlì ha nùile,” dek'eèhtl'è.

10

¹ Sèot'ì, Israel got'ì edaxàgeedè gha sedzeè nàní, eyi gha gígha yahtì họt'e. ² Gíghọ dú haehsì ha: Ededzeè t'à Nòhtsì wini k'èè eghàlageeda ha gùwọ. Nòhtsì gha hòtl'ò eghàlageeda kò Nòhtsì wenàowoò deghàà k'ègeezọ-le. ³ Dàni Nòhtsì ehkw'ì agohzì sù gík'èezọ-le, hanikò edek'èè ehkw'ì agede ha gùwọ. Eyi ts'ihzò Nòhtsì wek'èè ehkw'ì ats'edee nàowoò k'èagùt'e-le. ⁴ Zezì-Krì Moses wenàowoò deghàà yeghàlaidà họt'e. Hajà t'à dọ gígha ehkw'ì-ahodì sù ehkw'ì agede ha.

⁵ Eyi nàowo wet'à ts'eedaa t'à ehkw'ì ats'et'ì sù Moses yeghọ ùtl'è ìlè, “Dọ eyi nàowo hazòò yeghàlaeda nùdè, yek'èxa eda ha họt'e,” hadì ìlè. ⁶ Hanikò gogha ehkw'ì-ahodì t'à ehkw'ì agòidlà nùdè, dú hats'edi ha: “ ‘Amì idòò yak'e ts'ò ade ha, (Zezì-Krì hodàts'eechi ha t'à)?’ naxìdzeè yì haahdi-le,” edèts'edi ha. ⁷ Eyits'ọ dú hats'edi ha: “ ‘Amì ìzhì gòowà dèè yì gòòzàa ts'ò ade ha, (Zezì-Krì k'achì naidà ats'ele gha)?’ haahdi-le,” edèts'edi ha. ⁸ Hanikò Nòhtsì Njhtl'è k'e dú hanì dek'eèhtl'è: “Nòhtsì hòt'a yatì naxìghàehzò ìlè. Eyi yatì sù naxìwà yì whezò, eyits'ọ naxìdzeè yì whezò,” dek'eèhtl'è. Eyi yatì gogha ehkw'ì-ahodì sù weghọ gots'edeè ats'edi, eyits'ọ wet'à hoghànaxets'eehtọ. ⁹ Naxìwà t'à, “Zezì gots'ò K'àowo họt'e,” haahdi nùdè eyits'ọ Nòhtsì naidà ayìlìlàa sù naxìdzeè t'à naxìgha ehkw'ì-ahodì nùdè, edaxànaxeeetè ha họt'e.

10 Naxıdzeè t'à Nòhtsı naxıgha ehkw'ı adı nıdè, ehkw'ı anaxedle ha họt'e, eyıts'ọ naxıwà t'à “Segha ehkw'ı-ahodı,” dahdı nıdè Nòhtsı edaxànaxeehtè ha họt'e. 11 Nòhtsı Nıhtı'è k'e dıı hanı dek'eèhtı'è, “Amıı wegħa ehkw'ı-ahodı sıı ayıı danaèhıı sıı wegħot'à ha họt'e,” dek'eèhtı'è. 12 Israel got'ıı eyıts'ọ dọ eyıı-le xàzaa sıı Nòhtsı eıadı gots'ọ eghàlaeda nııle. Dọ hazọọ eıèhtı'eè gots'ọ K'àowo eıı họt'e, eyıts'ọ dọ hazọọ wegħọ gıı nàtsoo sıı deıdọ gıxè sıghà hòıdọ agohıı. 13 Dıı hanı dek'eèhtı'è, “Dọ hazọọ gots'ọ K'àowo ghọ gıı nàtsoo sıı edaxàgeedè ha họt'e,” dek'eèhtı'è.

14 Hanıkò gıgha ehkw'ı-ahodı-le nıdè, dani wegħọ gıı nàtso ha weli? Eyıts'ọ gots'ọ K'àowo ghọ egıkw'o-le nıdè dani gıgha ehkw'ı-ahodı weli? Eyıts'ọ wegodıı t'à dọ gots'ọ goıde-le nıdè dani egeèhk'w'ọ weli? 15 Eyıts'ọ gots'ọ K'àowo dọ goıhıà-le nıdè, dani wegodıı nezıı t'à gots'ọ gogede weli? Dıı hanı dek'eèhtı'è: “Dọ godı nezıı gots'ọ nıııdọ sıı wegħọ sıı goına họt'e!” dek'eèhtı'è.

16 Hanıkò Israel got'ıı hazọọ godı nezıı gıgha ehkw'ı-ahodı nııle. Nakwenàıdọdọ Isaiah dıı hadı ıle, “Sets'ọ K'àowo, amıı goyatıı gıgha ehkw'ı-ahodı?” hadı, dek'eèhtı'è. 17 Eyıt'à godı nezıı ts'eèhk'w'ọ nıdè wet'à gogħa ehkw'ı-ahodı ats'et'ı, eyıts'ọ Zeıı-Krı wegodıı nezıı ghọ gogede t'à dọ yatı egıkw'o họt'e. 18 Eyıt'à Israel got'ıı godı nezıı egıkw'o nı? Hęıę, godı nezıı egıkw'o ıle. Eyı ghọ dıı hanı dek'eèhtı'è,

“Du nèk'e dọ hazọọ ts'ọ agejà t'à, eyı godı nezıı t'à dọ xè gogedo ıle. Nıwàa nèk'e dọ ts'ọ godı nezıı nèıııdọ ıle,” dek'eèhtı'è.

19 Eyits'q Israel got'ù godi nezù ginièdi-le ni? Hèzè, godi nezù ginièdi ilè. Moses t'akwelòò yeghò dui hadi ilè,

“Naxi Israel got'ù aah'tee sù dọ t'asù gùlì-le sù gighò ts'oxoahdù anaxehle ha. Dọ Nòhtsì wenàowoò k'ègeezò-le sù gighò naxik'èch'a anaxehle ha,” hadi, dek'eèhtl'è.

20 Eyits'q nakwenàozòq Isaiàh eyi ghò edèdaedi-le xè dui hadi xàyahiti,

“Dọ sehagùwo-le sù segogùhòò agèhlà, eyits'q dọ seghò dageehke-le sù sek'ègeezòò agèhlà,” hadi, dek'eèhtl'è.

21 Hanikò Israel got'ù goghò dui hadi,

“Dọ sek'èagùt'e-le eyits'q sek'èch'a eghàlageèdaa sù t'aats'òò silà gùts'ò aahwhò,” dek'eèhtl'è.

11

Nòhtsì Israel got'ù mòhdaa edegha gòihchi

¹ Eyit'à Nòhtsì edets'q dọ zògoèhde ni? Ilè ne! Sù xàè Israel got'ù aht'e, Abraham wets'ihzòò-dòò aht'e, eyits'q Benjamìn wets'ihzòò-dòò aht'e.

² Nòhtsì amù weza gùlì ha nadaà yek'èezòò sù zògoèhde nùle. Nòhtsì Nùhtl'è k'e nakwenàozòq Elijah weghò ayi dek'eèhtl'èè sù ghò nàniàhdè. Elijah Israel got'ù k'èch'a Nòhtsì ts'ò xàyahiti, hadi, ³ “Sets'ò K'àowo, nets'q nakwenàozòq ełààgògùhdè, eyits'q kwe-ladà wek'e nets'ò t'asù k'èek'òò sù nàgùzhi. Nets'q nakwenàozòq gha sù zò ełààsegùhwho-le, hanikò dui sù ełààsegèhwhi ha hogeèhdzà,” hadi. ⁴ Nòhtsì Elijah ts'ò dui hadi, “Dọ lòhdì-lemì edegha gik'èhdì họt'e. Baal ts'ò nàgògùhgè xè wets'q yagùhti whìle,” yèhdì. ⁵ Dui

eyi lagòht'e, Nòhtsı wesqıwq ts'ihzò Israel got'ıı mòhdaa edegha gòjhchì t'à. ⁶ Wesqıwq ts'ihzò hanı gots'ò eghàlajda nıdè, wegħa nezıı hots'èhtsı k'èxa agòòlà nıile. Nezıı hots'èhtsı k'èxa gòjhchì nıdè, Nòhtsı wesqıwq ts'ihzò gòjhchì ts'edi ha dıı.

⁷ Eyı wegħq dàts'edi welı? Israel got'ıı t'asıı għa hòtl'ò eghàlagıdàa sıı eyı gıghòt'q-le, hanıkò dq eyı-le Nòhtsı gòjhchıı sıı eyı gıghòt'q hqt'e. Dq gòjhchì-le sıı gıkwı nàtsoò agııdlà. ⁸ Dıı hanı gıghq dek'eèhtl'è:

“Nòhtsı sıı gıdzeè yıı etàagıdè lagòòlà. Eyı ts'ihzò dıı gots'ò ededaà t'à k'egeet'ıı-le eyıts'q ededzııhk'w'q t'à egeèhk'w'q-le,” dek'eèhtl'è.

⁹ Eyıts'q K'àowochı David dıı hadı dek'eèhtl'è:

“Ayıı ghq shègezhee sıı gıgha ehdzodıı welè, eyıt'à ededı et'ıı gık'èchııtla ha. Wet'à dagıta welè, eyıts'q dani eghàlagıdà k'èxa dagıızaa welè. ¹⁰ Gıdàà goıle welè, hanı-ıdè k'egeet'ıı ha-le, eyıts'q welq whıle ts'ò gınokw'qò whezòo awede,” dek'eèhtl'è.

Dq Israel got'ıı agııt'e-le sıı kw'ıhchıı degaı lagııdlà

¹¹ Israel got'ıı hodàgeèt'ıı t'à k'achı negııdè ha dıı nı? İle ne! Hanıkò gıhoııı ts'ihzò Nòhtsı edaxàgolee wegodıı sıı dq eyı-le xàzaa gıts'ò adlà. Hanı t'aa Nòhtsı sıı Israel got'ıı dq eyıı-le xàzaa ts'ò dagıızaa agòòlà. ¹² Israel got'ıı hoııı hogèhtsı ts'ihzò dıı nek'e dq hazqò xàzaa gıxè sıghà hòzq hqt'e. Dıı hagòht'e nıdè, Israel got'ıı hazqò Nòhtsı ts'ò agejà nıdè, dq eyıı-le sıı denahk'e gıxè enııyah agode ha hqt'e.

¹³ Naxı Israel got'ıı aaht'e-le sıı naxıts'ò gohde hqt'e. Nòhtsı Israel got'ıı agııt'e-le sıı gıts'ò sııhzaa aht'e, eyıt'à godı nezıı gıts'ò ahle ha hòtl'ò

eghàlaehda họt'e. ¹⁴ Naxıgha eghàlaehda t'à edahxọ xàè sèot'l naxıghọ ts'ohogeediì ageehle ha dehwhọ, hani-ıdè mọhdaa edaxàgeedaà ageehle ha weli. ¹⁵ Nọhtsı Israel got'ıı ọọgoèhde t'à dı nẹk'e dọ Nọhtsı xè ts'èwhıı geedaà agejà họt'e. Ekò Israel got'ıı Nọhtsı nagòchì nıdè weghọ enıyah nechà ha họt'e; ẹlàngııdè gots'ọ nagıdà lagede ha. ¹⁶ Lẹtsıèhdı wets'ọ mọhdaa Nọhtsı ghàts'ııdı sı degai họt'e nıdè, lẹtsıèhdı hazọọ degai ihlè họt'e. Ts'ı weghochıı degai họt'e nıdè, wekw'ıhchıı sı hazọọ degai họt'e.

¹⁷ Wekw'ıhchıı mọhdaa dahchıatọ, eyıts'ọ naxı ts'ı nezi-le wekw'ıhchıı laah't'ee sı ts'ı nezıı wekw'ıhchıı ta anaxııdlà laah't'e. Eyıt'à dı sı ts'ı nezıı weghochıı t'à dahshe lanı họt'e. ¹⁸ Eyı kw'ıhchıı dahchıatọọ sı gınahk'e ats'ııt'e dahwhọ t'à, edeghọ xàdahoahdı-le. Haahdı nıdè dı weghọ nàniahdè: Naxı sı ts'ı weghochıı nàtsoò aahwhọ nıle, hanıkò ts'ı weghochıı sı nàtsoò anaxııhwhọ họt'e. ¹⁹ Eyıt'à dı haahdı ha sọnı, “Wetl'axọọ nısıhtè ha t'à ts'ı wekw'ıhchıı dahchıatọ họt'e,” dahdı ha tahkò. ²⁰ Eyı sı ehkw'ı t'ııt'e, Nọhtsı gıgha ehkw'ı adı-le t'à dahchııgıatọ ıle. Naxı Nọhtsı naxıgha ehkw'ı-ahodı t'à, eyı ts'ı wets'ọ kw'ıhchıı aah't'e anaxııdlà họt'e. Eyıt'à xàhoahdı-le, hanıkò edeghọ dahjı welè. ²¹ Nọhtsı eyı ts'ı xàè wets'ọ kw'ıhchıı gıgha ehkw'ı-ahodı-le k'èxa nàyıızhı nıdè, naxı ayııha naxık'èdı weli?

²² Eyıt'à Nọhtsı weghọ naniahdè; ededı sı wèhoedi-le eyıts'ọ wedzeè sọnıwọ. Dọ gıgha ehkw'ı-ahodı-le sı gots'ọ wèhoedi-le, hanıkò naxıts'ọ wedzeè sọnıwọ họt'e. T'aats'ọọ wegħa naxıı

nàtsoò aahwhò nǎdè naxíts'ò wedzeè sǎnǎwò ha. Ekò haaht'e-le nǎdè eyí kw'íhchǎì lanì naxík'ízhì ha hót'e. ²³ Israel got'ǎì edǎnì ładǎì agǎìlà nǎdè eyíts'ò Nòhtsǎ gǎgha ehkw'í-ahodǎì agejà nǎdè eyí ts'í k'e nǎgòwa ha, Nòhtsǎ sǎ k'achǎ ts'í k'e nǎgòwa ha wegħa dǎì-le hót'e t'à. ²⁴ Naxǎ sǎ ts'í nezǎ-le gots'ò xàanaxiat'a gà ts'í nezǎ k'e ts'ò anaxǎìdlà hót'e, eyí wenaahdǎ-le sòò. Eyí ts'í xàè wekw'íhchǎì aaht'e nǎìle kò, dǎì wek'e dahshe hót'e. Ekò eyí ts'í xàè wets'ò kw'íhchǎì dahchǎatòò sǎ xàè wets'ò ts'í k'e ts'ò anagǎìdlà nǎdè denahk'e nezǎì dehshe ha hót'e!

Israel got'ǎì hazòò edaxàgeedè ha

²⁵ Sèot'ǎì, dǎì t'asǎ enǎyah dezǎì whezòò sǎì wek'èahsò ha naxeehwhò. Hanǎ-ǎdè xàhoahdǎ aahde ha nǎìle. Israel got'ǎì agǎt'e-le gǎta gots'ò dò hazòò edaxàgeedè gots'ò, Israel got'ǎì gǎkwì dezǎì ha. ²⁶ Eyí t'axòò Israel got'ǎì hazòò edaxàgeedè ha. Dǎì hanǎì dek'eèht'è k'èè:

“Edaxàgolee elǎì sǎì Jerusalem gots'ò nǎìtla ha, Jacob wets'íhòò-dòò sǎì hołǎì hogehtsǎ ch'à agole ha. ²⁷ Eyíts'ò gǎhołǎì gǎghò nahoeħle ha nǎdè, gǎxè nakenahohtsǎ ha,” dek'eèht'è.

²⁸ Naxǎxè sǎghà hòzò ha t'à godǎ nezǎì gǎgha wedè agǎìlà eyíts'ò Nòhtsǎ k'èch'a agǎt'e. Hanìkò Nòhtsǎ gocho Abraham, Isaac eyíts'ò Jacob gòìhchǎì ts'íhòò Israel got'ǎì goghòneètò wek'èts'eezò. ²⁹ Nòhtsǎ sǎì t'asǎì dò ghàyele, eyíts'ò dò kayahtǎ nǎdè, edǎnì eładǎì ayehzǎì nǎìle. ³⁰ Inèè naxǎ sǎ Nòhtsǎ k'èaht'e-le ìlè, hanìkò Israel got'ǎì Nòhtsǎ k'èagǎt'e-le ts'íhòò dǎì Nòhtsǎ naxíts'ò wedzeè eteèzǎì hót'e. ³¹ Eyít'à dǎì sǎì Israel got'ǎì ededǎì sǎì Nòhtsǎ k'èagǎt'e-le hót'e. Hanìkò Nòhtsǎ naxíts'ò wedzeè eteèzǎì sǎì gǎgha

wègaat'ɿ ts'ihzò ededɿ sɿ gɿgha ehkw'ɿ-ahodɿ agode ha, eyit'à Nòhtsɿ gots'ò wedzeè eteèzɿ ha. ³² Dò hazòò Nòhtsɿ k'èagɿt'e-le t'à, Nòhtsɿ gɿnɿhɿ gɿts'ò k'àowoò agòòlà. Hanì-ɿdè dànì gots'ò wedzeè eteèzɿ sɿ dò hazòò gɿk'èezòò agole ha.

Nòhtsɿ weghàsòts'eedi welè

³³ Nòhtsɿ sɿ gòòzò xè t'asɿ hazòò k'èhoezò ts'ihzò Nòhtsɿ gogha enɿyah hòt'e!

Wɿnì nɿts'eedi ha dù eyits'ò edɿ wetɿlì nɿzàa sɿ wek'èts'eezò-le!

³⁴ Dù hanì dek'eèht'è,

“Amì gots'ò K'àowo wɿnì k'èhoezò? Amì dù hanì eghàlɿda yèhdì? Dò wɿzɿ-le!”

³⁵ “Dò Nòhtsɿ ghà-t'asɿ-yìzò t'à Nòhtsɿ ek'èt'à yets'òzehdì ha nì? Dò wɿzɿ-le!” dek'eèht'è.

³⁶ Nòhtsɿ t'asɿ hazòò whehtsɿ, t'asɿ hazòò wets'ò hòt'e, eyits'ò t'asɿ hazòò wegħa hòt'e. Welò whìle ts'ò weghàsòts'eedi welè! Amen.

12

Gozhì hazòò t'à Nòhtsɿ ghàdets'itè ha hòt'e

¹ Eyit'à sèot'ɿ, Nòhtsɿ etegoòzɿ wek'èts'eezò ne t'à dù haehsɿ naxìghònàdaehtì: Naxìzhì hazòò t'à Nòhtsɿ ghàdeah̀tè eyits'ò wegħa zò aahda. Degai k'èè aahda welè, Nòhtsɿ wɿnì k'èè hoahtsɿ welè. Haah̀t'e nɿdè Nòhtsɿ wegħa nezɿ k'ehoah̀za ha hòt'e. ² Dù nèk'e dò dànì geedaa sɿ gɿk'èè k'ehoah̀za-le, hanìkò naxìni eɿadɿ adlà k'èè aahda. Hanì-ɿdè Nòhtsɿ ayì wɿnì k'èè ne sɿ degħàà wek'èahsòò aahde ha. Nòhtsɿ ayì wegħa nezɿ xè degai ne sɿ, eyits'ò ayì wegħa sìghà ne sɿ wek'èahsòò aahde ha.

³ Nòhtsı wesqıwq seghòt'q wedahxà naxıts'ò dıı haehsı: T'asıı deè ats'ııt'e dahwhq t'à deʒòò edeghò nàıahdè-le, hanıkò ehkw'ı edeghò nàıahdè. Nòhtsı naxını dãnàıhtsoò ayıılà k'èè edeghò nàıahdè. ⁴ Goxı hazqò gozhıı ı̀è zq gòhı hanıkò wets'q t'asıı ı̀q gok'e whela hq̄t'e. Eyı t'asıı gok'e whelaa sıı hazqò ełèht'eè eghàlageeda nııle. ⁵ Goxı Zezı-Krı wexè ats'ııt'ee sıı goxè hagòht'e. Goxı ı̀q ts'eet'eè ats'ııt'e kò gozhıı ı̀è zq lanı, eyıts'q elets'q ats'ııt'e. ⁶ Wesqıwq ts'ıhʒò goxı hazqò t'asıı wet'à-ats'et'ı ha Nòhtsı goghàııla hq̄t'e. Dq̄ Yedayeh Nezıı dahxà xàyahtı ha weghàhòt'q nı̀dè wını dãnàıhtsoo sıı k'èè yet'àwet'ı. ⁷ Dq̄ ts'adı ha weghàhòt'q nı̀dè yek'èè eghàlaidà. Dq̄ hoghàehtq̄ ha weghàhòt'q nı̀dè yek'èè eghàlaidà. ⁸ Dq̄ wını nàtsoò ayele ha weghàhòt'q nı̀dè, yek'èè eghàlaidà. T'asıı t'à dq̄ ts'adı ha weghàhòt'q nı̀dè ededzeè t'à yek'èè eghàlaidà. K'àowo elı ha weghàhòt'q nı̀dè yek'èè hòt'ò eghàlaidà. Dq̄ ts'ò wedzeè eteèʒı ha weghàhòt'q nı̀dè wınà xè yek'èè eghàlaidà.

Ełeghònets'eètq̄ ha hq̄t'e

⁹ Naxıdzeè t'à dq̄ ghòıahtq̄. Hoıı-nàowoò sıı wedzaahwhq̄, hanıkò t'asıı ehkw'ı xè nezıı sıı wedeahchı-le. ¹⁰ Ełèot'ı lanı naxıdzeè t'à ełeghòıahtq̄. Edenahk'e dq̄ eyıı-le gıt'àhoòʒà dahwhq̄ ha hq̄t'e. ¹¹ Naxını nàtso-le awede-le, hanıkò gots'ò K'àowo wegħa hòt'ò eghàlaahda. ¹² İdaà naxıxè sıghà hòʒq̄ ha t'à naxınà welè, naxıgha hoıla nı̀dè wexè ts'èwhıı aahda eyıts'q̄ t'aats'qò yaahtı. ¹³ Nòhtsı wets'q̄ dq̄ etegeèt'ıı sıı t'asıı t'à gıts'aahtı. T'aats'qò dq̄ għa enıxànııtq̄ aahwhq̄.

14 Dọ danaxegìh2aa sù gıgha yaahtı; gıts'ò hoıla agode ha dahwhọ-le hanikò gıts'ò nezıı aahdı. 15 Dọ gınà nıdè, gıxè naxınà welè. Dọ ts'òògııwọ nıdè gıxè ts'òòdahwhọ. 16 Ts'èwhıı ełexè aahda. Xàhoahdı-le. Dọ t'asıı gııı-le sù gıxè aah'tı. Gınahk'e ats'ııt'e dahwhọ-le.

17 Dọ naxıts'ò hoju eghàlageeda nıdè ek'èt'à gıts'ò hoju eghàlaahda-le. Dọ hazọọ gıgha ayı ehkw'ıı sù hotıı wek'èè weghàlaahda. 18 Naxıgha dıı-le nıdè, eyıts'ò naxıts'ò hoèlı nıdè dọ hazọọ gıxè ts'èwhıı aahda. 19 Seàgıı, ek'èt'à dọ gıts'ò hoju eghàlaahda-le. Nòhtsı ededı dọ nàgoehkwa ha wets'ò hoèlıı aahle. Du hanı dek'eèht'è: “Sı sù dọ ayı dàgıılaa k'èxa hoıla gıghàhoeh2à ha,” gots'ò K'àowo hadı, dek'eèht'è. 20 Hanikò du haaht'ı ha họt'e:

“Dọ naxıts'ò xànr2aa sù bò ghaewı nıdè t'asıı weghàahdı, tı nıwọ nıdè tı wàahdı. Haaht'ı nıdè kòkwı-dèk'òọ wekwı k'e nıahwha lanı ha,” dek'eèht'è.

21 Nàowohıı naxıdaèt'è aahle-le, hanikò nezıı dọ ts'ò k'ehoah2a t'à gınàowohıı wedaàht'e.

13

K'aodèe gık'èats'ııt'e ha họt'e

1 Dọ hazọọ dèe-ts'ò-k'àowo k'èagııt'e ha họt'e. K'aodèe gııı sù ededahxà eghàlageeda nıle, hanikò Nòhtsı dahxà eghàlageeda họt'e, Nòhtsı hanı hòzọọ ayııla t'à. 2 Eyıt'à dọ dèe-ts'ò-k'àowo k'èıt'e-le nıdè, Nòhtsı dọ gha nàowo whehtsıı sù k'èıt'e nıle. Amı hat'ıı sù edesıniyahtıı at'ı họt'e. 3 Dọ ehkw'ı eghàlageedaa sù k'aodèe ts'àgeejı nıle, hanikò dọ ekọ-le eghàlageedaa sù, k'aodèe ts'àgeejı

ha họt'e. Eyit'à k'aodèe ts'aaħjì ha-le dahwhọ nịdè, ayì ehkw'ù sù weghàlaahda. Hanì-ıdè k'aodèe gùlù sù naxıghọ nezıı agedı ha. ⁴ Naxıts'ọ nezıı eghàlageeda ha Nọhtsı gha eghàlageeda họt'e. Hanikò ekọ-le eghàlaahda nịdè dahjì ha họt'e, k'aodèe gùlù sù gık'èaht'e-le k'èxa hoıla anaxegele ha họt'e. Nọhtsı gha eghàlageeda họt'e, eyıts'ọ Nọhtsı dahxà dọ weju sù dagıızaa agogele ha họt'e. ⁵ Eyit'à k'aodèe gùlù sù gık'èaht'e ha naxıgha wet'aaza họt'e. Danaxegııhza ha sọnı dahwhọ zọ t'à gık'èaht'e-le, hanikò naxıdzeè t'à ehkw'ı dahwhọ ts'ıhzo gık'èaht'e.

⁶ Nọhtsı gha eghàlageeda eyıts'ọ eyı la gıgha whezo ne t'à dèe-ts'ọ-k'òowo ts'ats'eehdı ha họt'e. ⁷ Eyit'à dọ ts'ọ naxııhtl'è gòhı nịdè naxııhtl'è naahle. Dèe-ts'ọ-k'òowo ts'ats'eehdı ts'ọđhk'e naxııhtl'è nịdè naxııhtl'è naahle. Eyıts'ọ k'aodèe hazọọ gıts'ọ nezıı naahza xè gıghàhoahdı ha hòzo nịdè, hanı gıts'ọ naahza.

Dze natsoo ts'ọ hawe

⁸ Naxııhtl'è gòhı welè-le. Enıhtl'è ıè zọ t'aats'ọọ gots'ọ ha sù ełeghọnets'eètọ eyı họt'e. Eyı t'aats'ọọ naxııhtl'è elı ha họt'e, eyıts'ọ t'aats'ọọ wek'e eghàlaahda ha họt'e. Dọ hazọọ ghọniahtọ nịdè nàowo hazọọ k'èaht'e họt'e. ⁹ Moses wets'ọ nàowodeè wek'èahsọ họt'e: “Ełexè hoııı hoahtsı-le,” “Dọ ełaaħwhı-le,” “Aahzı-le,” “Dọ t'asıı wets'ọ sù weahwhọ-le,” eyıts'ọ nàowo eyıı-le hazọọ gha sù dıı nàowo ıè weghọ ahodı họt'e: “Edeghọniahtọ lanı naxèot'ı gıghọniahtọ,” dek'eèhtl'è. ¹⁰ Dọ gıghọniahtọ nịdè, gıts'ọ hojıı eghàlaahda ha nııle.

Eyit'à ełeghḡnets'eètḡ n̄dè Moses wenàowoò deghàà weghàlats'ı̀dà gha ità hḡt'e.

¹¹ Dı̀ nèk'e dı̀ dàgot'ı̀ sı̀ wek'èahsḡ ne t'à hanı̀ elets'ḡ eghàlaahda. Hòt'a ts'ıahwhı̀ lanı̀ ha nı̀hḡḡwo. Gots'ḡ K'àowo edaxàgole ha ts'ḡ whaà-le agòjà. T'akwelòḡ gogha ehkw'ı-ahodı̀ gots'ḡ sı̀ dı̀ hòt'a denahk'e wets'ḡ whaà-le agòjà. ¹² To k'àhdzḡ wetehoòwo t'e, whaà-le-t'ı̀ goxè dzeh agode ha. Eyit'à to dḡ t'ası̀ weju k'alagedèe sı̀ wedḡ ats'ı̀le, dzeh eghàlats'eeda gha edexè sını̀hots'ı̀zà ha hḡt'e. ¹³ Dzeh dḡ geeda lanı̀ ehkw'ı ts'eeda ha hḡt'e. Ts'edḡ xè ts'ı̀zò-hots'eezà welè-le, gozhı̀ t'à hoı̀ı̀ k'alats'edèe welè-le, elets'ḡ nàyats'ehti welè-le, eyits'ḡ ełeghḡ ts'ohots'eedi welè-le. ¹⁴ Hanıkò dı̀ haah'tı̀: Gots'ḡ K'àowo Zezı̀-krı̀ wı̀nı̀ k'èè aahda. Dàni gonı̀ı̀ k'èè k'ehots'ezaa sı̀ ghḡ nàıahdè-le.

14

Dḡ gı̀nı̀ nàtso-le eyits'ḡ dḡ gı̀nı̀ nàtso

¹ Dḡ wı̀nı̀ nàtso-le sı̀ wedḡ aahle-le, t'ası̀ wet'aazà-le k'èxa wek'e nı̀dahoahzà-le. ² Dḡ mḡhdaa gı̀nı̀ nàtso t'à t'ası̀ hazḡḡ xàzaa ghḡ shègezhe ha gı̀gha t'asanile, hanıkò dḡ mḡhdaa gı̀nı̀ nàtso-le t'à dèe gots'ḡ t'ası̀ dehshee zḡ ghḡ shègezhe. ³ Dḡ t'ası̀ hazḡḡ xàzaa ghḡ shètı̀ sı̀ dḡ hanı̀ nàowo gı̀tḡ-le sı̀ gı̀nahk'e dḡ nezı̀ aht'e edeewḡ ha nı̀le. Eyits'ḡ dḡ t'ası̀ hazḡḡ xàzaa ghḡ shètı̀-le sı̀ dḡ hat'ı̀ sı̀ yesı̀nı̀yaehı̀ ha nı̀le, Nḡhtsı̀ sı̀ eyı̀ dḡ edeza eı̀ gha yı̀hchı̀ ne t'à. ⁴ Eyı̀ dḡ wets'ḡ k'àowo anet'e nı̀le t'à wesı̀nı̀yaahı̀ ha nı̀le. Dḡ nezı̀ eı̀, hanı̀-le-ı̀dè dḡ nezı̀-le eı̀ sı̀ wets'ḡ k'àowo wets'ḡ hoèı̀ hḡt'e.

Gots'ò K'àowo dọ nezụ elị ayele ha dùi-le t'à dọ nezụ elị k'èè wụta ha.

⁵ Dọ ịè dzeè hazò nahk'e dze ịè wegħa degai họt'e. Hanikò dọ eyi-le wegħa dze hazò elèht'èè họt'e. Dọ hazò xàè gini t'à dànì ehkw'i agụwọọ sù k'èè geeda ha họt'e. ⁶ Dọ dze ịè wegħa denahk'e elị nìdè, gots'ò K'àowo winà hohtsị għa at'ị họt'e. Dọ bò edèe sù Nòhtsị ts'ò masì nıwọ t'à, gots'ò K'àowo winà hohtsị għa at'ị họt'e. Eyits'ọ dọ bò edè-le sù gots'ò K'àowo winà hohtsị għa at'ị xè Nòhtsị ts'ò masì nıwọ họt'e. ⁷ Gota gots'ọ dọ wụzì edegħa zọ eda nùle, eyits'ọ dọ wụzì edegħa zọ ẹlǎawı nùle. ⁸ Ts'eeda nìdè gots'ò K'àowo wegħa ts'eeda họt'e, eyits'ọ ẹlǎats'ewı nìdè wegħa ẹlǎats'ewı họt'e. Eyit'à ts'eedaa, ts'eeda-le ehk'èè t'aats'òò gots'ò K'àowo wets'ọ dọ ats'üt'e họt'e.

⁹ Eyı għa Zezì-Krı ẹlǎwo eyits'ọ naidà, eyit'à dọ geeda eyits'ọ dọ ẹlǎdèe gogħa k'àowo whelı. ¹⁰ Eyit'à dànìghọ naxèot'ı gısiniyaahı? Eyits'ọ dànìghọ naxèot'ı t'ası elı-le k'èè wets'ọ naahza? Goxı hazò Nòhtsị nadağà nàts'eèhza gà gosiniyaetı ha họt'e wedaaniahdè welè. ¹¹ Dı hanı dek'eèht'è họt'e:

“Gots'ò K'àowo du hadı, ‘Xàè suzı dahxà du haehsı họt'e, Dọ hazò sets'ò nàgògehğè ha, eyits'ọ dọ hazò, Nòhtsı aht'e sègedı xè seghàsogeedı ha họt'e,’ ” dek'eèht'è.

¹² Eyit'à dọ hazò Nòhtsị ts'ò edegħọ gogede ha họt'e.

¹³ Eyit'à ẹlesiniyats'ehtı welè-le. Naxèot'ı naxıt'à hoğı hogehtsı ch'à naxını nàtsoò aahwhọ xè edek'èahdì. ¹⁴ Gots'ò K'àowo wexè ehda họt'e,

eyit'à wegho shèts'ezhee wuzù sù hoñu nuile hoti wek'èhsq hqt'e. Hanikò dq wegha wets'æt'q nùdè wegha hoñu hqt'e. ¹⁵ Ayì ghq shèahzhee sù wets'ihzò naxèot'ì ekq-le eghàlaeda xè dajza nùdè, ełeghōnets'eètq sù wek'èè aahda nuile. Zezi yegha ełajwo hqt'e, eyit'à ayì ghq shèahzhe ts'ihzò wedihoahstì-le. ¹⁶ T'asì naxìgha nezì dahwhq sù wet'à dq gha hoñu welè-le. ¹⁷ Nòhtsì wenàowoò sù dq shègezhee eyits'q t'asì gedq hanu ghq nuile, hanikò Yedayeh Nezì wedahxà ehkw'ì ts'eedaa, goxè sìghà hòzq eyits'q godzee t'à goinàa, eyì ghq ahodì hqt'e. ¹⁸ Dq hanì Zezi gha geedaa sù Nòhtsì winì k'èè aget'ì hqt'e, eyits'q dq sì gha nezì aget'ì hqt'e.

¹⁹ Eyit'à ełexè ts'èwhì ts'eeda gha hòt'ò eghàlats'eeda welè, eyits'q ełnì nàtso hots'ehtsì ha ełets'àts'edi welè. ²⁰ Bò ghq shèahzhe ts'ihzò Nòhtsì dànì dq xè eghàlaedaa sù wedihoahstì-le. Weghō shèts'ezhee hazqò nezì hqt'e, hanikò bò ghq shèts'ezhee sù wets'ihzò dq hoñu hohtsì nùdè eyì sù ehkw'ì nuile. ²¹ Bò ghq shèts'ezhe-le, jìetì ts'edq-le eyits'q t'asì wet'à naxèot'ì hoñu hohtsì ha sù k'alats'edè-le nùdè eyì denahk'e nezì hqt'e.

²² Eyit'à eyì weghō dànì naxìgha ehkw'ì-ahodì sù naxì eyits'q Nòhtsì sì zq wek'èahsq welè. Amì t'asì wegha ehkw'ì hqt'e sù k'èè eda nùdè, wegha sìghà hqt'e. Eyì dq sù edinì k'èch'a edesiniyahtì nuile. ²³ Hanikò amì wegha hoti-le kò ìaà yeghō shètì nùdè eyì dq wesiniyaetì hqt'e, wegha ehkw'ì-ahodì k'èè eda-le ts'ihzò. T'asì hazqò weghàlats'eedaa sù gogha ehkw'ì-ahodì k'èè-le nùdè eyì gogha hoñu hqt'e.

15

1 Goxɪ eyɪ hanɪ ghɔ goɪnɪ nàtso nɪdè dɔ gɪnɪ nàtso-le sɪ gɪts'ats'edi ha hɔt'e, eyɪts'ɔ t'ats'ɪwɔ k'èè zɔ k'ehots'eza ha nɪle. 2 Gòet'ɪ ayɪ gɪgha sɪghà sɪ k'èè eghàlats'eeda xè gɪnà agets'ele ha hɔt'e, hanɪ-ɪdè gɪnɪ nàtsoò agets'ele ha. 3 Zezì-Krɪ ededɪ kò edegha sɪghà k'ehoza-le ɪlè. Du hanɪ weghɔ dek'eèht'è: “Dɔ naxɪk'adageedè nɪdè, sɪ sek'adageedè agedɪ hɔt'e,” dek'eèht'è. 4 Inèè whaà Nòhtsɪ Nɪht'è k'e t'asɪ hazɔò dek'eèht'è sɪ wet'à hoghàgoetɔ gha adlà hɔt'e. Ayɪ dek'eèht'è sɪ wek'eyats'ehtɪ nɪdè wet'à gomɪ nàtsoò ade ha hɔt'e eyɪts'ɔ edaxàts'eedè ha.

5 Zezì-Krɪ wek'èè aahda t'à, Nòhtsɪ naxɪnɪ nàtsoo xè naxɪdzeè nàtsoò ayehzɪ sɪ naxɪnɪ ɪlè zɔ layɪle. 6 Hanɪ-ɪdè naxɪdzeè ɪlè t'à, eyɪts'ɔ naxɪwà ɪlè t'à Nòhtsɪ, Zezì-Krɪ Wetà, weghàsɔahdi ha welɪ.

7 Dànɪ Zezì-Krɪ dɔ naxɪwhɔ k'èè dɔ eɛeahwhɔ, hanɪ-ɪdè Nòhtsɪ weghàsɔedɪ aweahzɪ hɔt'e. 8 Ehkw'ɪ anaxèehsɪ, Nòhtsɪ weyatɪ ehkw'ɪ dahxà Zezì-Krɪ Israel got'ɪ gogha eghàlaedaa ajà. T'akwe whaà Nòhtsɪ edeyatɪ gocho ghàɪzɔɔ ɪlè sɪ Zezì wek'èè hòzɔò ayɪlè. 9 Hanɪ-ɪdè Israel got'ɪ agɪt'e-le sɪ Nòhtsɪ etegoòzɪ k'èxa gɪghàsɔedɪ ha. Du hanɪ dek'eèht'è k'èè:

“Dɔ hazɔò xàzaa gɪta neghàsɔehdi ha. Shɪ t'à neghɔ ehɪ ha.”

10 K'achɪ du hanɪ dek'eèht'è,

“Naxɪ Israel got'ɪ aah't'e-le sɪ, Nòhtsɪ wets'ɔ dɔ gɪxè naxɪnà welè.”

11 K'achɪ du hanɪ dek'eèht'è,

“Naxi hazqò Israel got'ù aaht'e-le sù, gots'ò K'àowo weghàsəhadi. Dò hazqò xàʔaa yàahṭù sù gots'ò K'àowo wets'ò aahji,” dek'eèhtl'è.

¹² Eyits'ò nakwenàozqò Isaiah dū hadi dek'eèhtl'è, *“Jesse wəot'i gita gots'ò chekoa dò elì ha, ededì sù dū nèk'e dò hazqò gha k'àowo elì ha. Israel got'ù agüt'e-le sù weghò gni nàtsoò ade ha,” dek'eèhtl'è.*

¹³ Nòhtsì edaxàgolee sù sù naxinà eyits'ò naxixè sìghà hòʔq ayule. Nòhtsì naxìgha ehkw'ì adì welè, hanì-ìdè Yedàyeh Nezu wedahxà naxinì deʔò nàtsoò ade ha hət'e.

Paul, Israel got'ù agüt'e-le gha eghàlaeda

¹⁴ Sèot'ù, sù nezu k'ehoahʔa hotù wek'èhsq hət'e. Dànì aahda ha sù degHàà wek'èahsq, eyits'ò yatì nezu ełeghàahʔà gha goahsq hət'e.

¹⁵ K'achì wenaahdì ha dehwhq t'à, edèdaehdì-le xè t'asì mòhdaa weghò naxits'ò utl'è hət'e. Nòhtsì wesqniwq ts'ihʔò wecheekeèdeè ehì ha seghàhòʔq hət'e, eyit'à hanì naxits'ò eèhtl'è. ¹⁶ Zezì-Krì wegħa yahtù wìlā ghàlaehda sìichì hət'e. Dò eyi-le xàʔaa Nòhtsì wegodi nezu t'à hoghàgeehq ha asìlā. Hanì-ìdè dò eyi-le xàʔaa sù Nòhtsì ghàgets'ele ha. Yedàyeh Nezu wedahxà degai agìidlā t'à Nòhtsì goghò sìghà aniwq ha.

¹⁷ Nòhtsì wegħa sìlā eghàlaehda t'à Zezì-Krì weghàsəhadi hət'e. ¹⁸ Edeghò xàdahohdì ha dehwhq-le. Zezì-Krì sù set'à ayì ghàlājdā sù eyì zq weghò xàdahohdì ha dehwhq. Dò eyi-le xàʔaa ts'ò goihdeè asìlā t'à, ayì dàhlā eyits'ò ayì dàehsì ts'ihʔò dò eyi-le xàʔaa sù Nòhtsì ts'ò agèhlā xè gk'èt'eè agejà. ¹⁹ Yedàyeh Nezu wedahxà nàhtsoò asìidlā ts'ihʔò enìyah lq hòwhihtsì t'à dū hanì

eghàlahdà họt'e. Eyt'à kòta Jerusalem gots'ò nìwàa nèk'e Iliricum ts'ò Zezi-Krì wegodiì nezù degghàà dọ hazòò ts'ò wek'ayawhıhtı họt'e. ²⁰ Dọ ılaà Zezi-Krì ghọ gùkw'o-le sù godı nezù t'à gıts'ò gohde ha dehwhọ họt'e. Hanı-ıdè dọ eyıı-le sekwe eyı eghàlagıdàa sù gılaà k'e eghàlaehda ha dehwhọ-le. ²¹ Dıı hanı dek'eèht'è k'èè ahde ha dehwhọ,

“Dọ yeghọ egùkw'o whıle sù gık'èezọ ha eyıts'ò gıntedi ha,” dek'eèht'è.

²² Eyı ts'ıh?ò naxıts'ò ahde ha segha hòı?à-le.

Paul kògodeè Rome nàtla ha edexè sıagòòlà

²³ Hanıkò dıı sù dııyèè nèk'e la ghọ naht'e, eyıts'ò whaà gots'ò naxıts'àhtla ha dehwhọ ıle t'à,

²⁴ Spain nèk'e ts'ò dehtla nıdè, naxık'eèhtla ha dehwhọ. Hanı-ıdè whaà-lea ts'ò naxıgà-ıhdà t'axòò-ıdè Spain nèk'e ts'ò ahde gha sets'ահdı ha dıı-le.

²⁵ Hanıkò dıı sù Jerusalem ts'ò ahde ha dehwhọ, ekọ Nòhtsı wets'ò dọ nàgedèe sù gıts'ահdı ha t'à.

²⁶ Macedonia nèk'e eyıts'ò Achaia nèk'e ekọ gòet'ı agıı'tee sù Nòhtsı wets'ò dọ etegeèt'ıı Jerusalem nàgedèe sù gogha sòòmba ełègııla.

²⁷ Gına gogha sòòmba nàgııhtsı họt'e, hanı dọ-teèt'ıı ts'àgedı ha ıle t'ıı't'e. Godı nezù Israel got'ıı gıts'ò nııt'òọ sù

dọ eyıı-le xà?aa ghàgıı?ọ t'à dọ eyıı-le xà?aa sù t'asıı wet'à ts'eedaa Nòhtsı goghàılaa t'à Israel got'ıı

ts'àgedı sù ehkw'ı họt'e. ²⁸ Dıı la weghọ naht'e xè sòòmba hazòò gıt'ահwha t'axòò-ıdè, Spain nèk'e

ts'ò dehtla t'à naxık'eèhtla ha. ²⁹ Naxıts'àwhıhtla nıdè Zezi-Krì sexè eghàlaeda t'à naxıxè degghàa

sıghà ayele ha wek'èehsọ.

³⁰ Eyı la weghàlaehdaa sù sù wèhoedi-le t'à sets'ահdı ha họt'e. Sèot'ıı, Zezi-Krì wedahxà,

eyits'q Yedàyeḥ Neẓı̄ wesonı̄wq dahxà Nòḥtsı̄ ts'ò segħa yaahtı̄ ha naxeewhḡ. ³¹ Judea nèk'e dḡ gı̄gha ehkw'ı̄-ahodı̄-le sı̄ gı̄ch'à edaxàseetè ha segħa yaahtı̄, eyits'q Jerusalem Nòḥtsı̄ wets'q dḡ gı̄ts'àhdı̄ sı̄ gı̄nà aht'ı̄ ha, eyı̄ sı̄ għa yaahtı̄. ³² Hanı̄-ı̄dè Nòḥtsı̄ wı̄nı̄ k'èè sına naxı̄ts'àhtı̄a ha welı̄, eyits'q naxı̄xè whı̄hda t'à sını̄ nàtsoò anade ha. ³³ Nòḥtsı̄ naxı̄xè welè eyits'q naxı̄xè sı̄ghà hòzḡ ayı̄le. Amen.

16

Naxı̄xè sı̄ghà welè

¹ Gòet'ı̄ Phoebe ts'èko neẓı̄ elı̄ sı̄ wek'èahsq ha dehwhḡ. Kòta Cenchrea Nòḥtsı̄ wecheekeè gota eghàlaeda. ² Naxı̄ts'ò nı̄tı̄a nı̄dè gots'ò K'àowo wedahxà neẓı̄ wets'ò naahza ha naxeewhḡ. Dàni Nòḥtsı̄ wets'q dḡ gı̄ts'ò k'ehots'ezaa sı̄ k'èè wets'ò k'ehoahza. T'ası̄ wegħa whı̄le nı̄dè, wets'àhdı̄ nḡḡ, ededı̄ dḡ lḡ ts'àı̄dı̄ ne t'à eyits'q sı̄ sı̄ sets'àı̄dı̄ hḡt'e.

³ Aquila eyits'q wets'èkeè Prı̄scilla segħa, “Naxı̄xè sı̄ghà welè,” gı̄ahdı̄. Sexè Zezi-Krı̄ għa eghàlageedaa-dḡḡ agı̄t'e. ⁴ Gı̄weè ha kò sexè eghàlagı̄dà ı̄lè. Sı̄ zḡ ması̄ geehwḡ nı̄le, hanı̄kò Nòḥtsı̄ wecheekeè Israel got'ı̄ agı̄t'e-le sı̄ eyı̄ sı̄ ması̄ gogı̄hwḡ hḡt'e.

⁵ Prı̄scilla eyits'q Aquila gı̄kò Nòḥtsı̄ wecheekeè elègehdeè sı̄, segħa “Naxı̄xè sı̄ghà welè,” gı̄ahdı̄.

Eyits'q seàgı̄a Epenetus eyı̄ sı̄ hawèahdı̄. Eyı̄ dḡ sı̄ Asia nek'e gots'q ededı̄ t'akwelḡḡ Zezi-Krı̄ yegħa ehkw'ı̄ adı̄ ajà ı̄lè.

⁶ Mary naxı̄gha hòt'ò eghàlaedaa sı̄ segħa, “Nexè sı̄ghà welè,” wèahdı̄.

7 Sèot'ì Andronicus eyits'ò ts'èko Juniyas ededì sì haghàhdi. Eyi nàke sù sexè dọ-daniḷlaa-kò geke ḷlè. Nòhtsì wecheekeèdeè nezù goghò gogede eyits'ò sekwe-t'ì Zezì-Krì gìgha ehkw'ì-ahodì ḷlè.

8 Ampliatus, gots'ò K'àowo wedahxà weghòneehtòò sù, “Nexè sìghà welè,” wèahdi.

9 Urbanus goxè gots'ò K'àowo gha eghàlaedaa-dòò elì eyits'ò seàgìḷ Stakus eyi sì, “Naxìxè sìghà welè,” gìaahdi.

10 Apelles, eyi dọ Zezì-Krì gha winì nàtsoo k'èè eda hotù wek'èhoedzòò sù, eyits'ò Aristobulus eyits'ò dọ hazòò wekò agùt'ee sù ededì sì gits'ò segha, “Naxìxè sìghà welè,” gìaahdi.

11 Sèot'ì Herodion ededì sì hawèahdi.

Narcissus wekò dọ hazòò gots'ò K'àowo gìgha ehkw'ì adù sù segha, “Naxìxè sìghà welè,” gìaahdi.

12 Tryphena eyits'ò Tryphosa, eyi ts'èko nàke gots'ò K'àowo gha hòt'ò eghàlagùdàa sù segha, “Naxìxè sìghà welè,” gìaahdi.

Eyits'ò seàgìḷ Persis eyi ts'èko sì gots'ò K'àowo gha hòt'ò eghàlagùdàa sù segha, “Nexè sìghà welè,” wèahdi. 13 Rufus, gots'ò K'àowo yìhchù sù, segha, “Nexè sìghà welè,” wèahdi. Eyits'ò wemò, semò lanì ḷlèe sù, eyi sì hawèahdi.

14 Asyncritus, Philegon, Hermes, Patrobas, Hermas eyits'ò gòet'ì eyi-le goxè agùt'ee sù segha, “Naxìxè sìghà welè,” gìaahdi.

15 Philologus, Julia, Nereus eyits'ò wedè, Olympas eyits'ò Nòhtsì wets'ò dọ hazòò goxè agùt'ee sù segha, “Naxìxè sìghà welè,” gìaahdi.

16 Nàowo degai k'èè eleahts'ì xè, “Nexè sìghà welè,” elèahdi. Zezi-Krì wecheekeè hazòò, “Naxìxè sìghà welè,” naxègedi.

17 Sèot'ù, hotù edexoahdi, dọ eyù-le ełek'èch'a anaxegeh?ì xè ekọ-le anaxegeh?ù sù gıch'à kexoahdi. Hòt'a ayì hoghànaxeètqọ sù eyı k'èch'a hoghànaxegeehtqọ nıdè gıxè aaht'ı-le. 18 Hanı dọ sù gots'ò K'àowo Zezi-Krì gha eghàlageeda nıle, hanıkò edek'èè zọ eghàlageedà aget'ı. Nezi gogede xè dọ ghọ nezi agedi t'à, nàhoti-le dọ gha ehkw'ı agedi sù goghọyageezà aget'ı họt'e. 19 Dọ hazòò godi nezi k'èaht'ee sù ghọ gıkw'o họt'e, eyıt'à sù naxıghọ sına họt'e. Hanıkò ayì nezi sù wet'à goahsọ ha naxeehwọ, eyıts'ọ hoı-nàowoò wedè aahle.

20 Nòhtsı ts'èwhı wehòh?qọ sù whaà-le-t'ı naxıt'òò wehı dihohtsı ha. Zezi-Krì wesonıwọ naxìxè welè.

21 Timothy sexè eghàlaedaa sù, “Naxìxè sìghà welè,” naxèhdi, eyıts'ọ Lucıyus, Jason eyıts'ọ Sosıpater, xàè sèot'ı agıt'ee sù, “Naxìxè sìghà welè,” gedi.

22 Sı Tertıyus, Paul wegħa dı nıht'è dek'enıht'è sù gots'ò K'àowo wedahxà, “Naxìxè sìghà welè,” naxèhsı.

23 Gaius, sı eyıts'ọ Nòhtsı wecheekeè hazòò wekọ gots'ò enıàıtqọ t'à weghọ ması ts'ıwqọ sù, “Naxìxè sìghà welè,” naxèhdi.

Erastus, kòta gha sọmba k'èdì elı eyıts'ọ gòet'ı Quartus, “Naxìxè sìghà welè,” naxègedi.

24-25 Zezi-Krì wegodi nezi naxıghàeh?qọ sù wet'à Nòhtsı naxını nàtsoò ayele ha dı-le họt'e. Eyı godi nezi sù ınèè whaà gots'ọ dọ ts'ò dezi

whezò ìlè, ²⁶ hanikò dù sị Nòhtsị welò whìlè ts'ò
wehòhʒò sị wedahxà nakwenàozòò egùt'è t'à
wek'èhoedzòò adlà họt'e. Hanì-ìdè dù nèk'e dọ
hazòò gìgha ehkw'ì-ahodì xè gík'èìt'e ha. ²⁷ Zezì-
Krì wets'ìhʒò Nòhtsị ededì zò gòzòzòò wehòhʒò sị
welò whìlè ts'ò weghàsòts'eedì welè! Amen.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

dccb8cb-87c9-5afe-9ac6-f62c4ade3a81